











027

N^o 344. 8. 88.

N 974 I


2. grl.


Am 15^{ten} November 1817.

Christian Friedrich Pritius.

29

Th. Gerhard. D. 9. Jun. 1810.







visus
et
usus

INCLUTÆ
BIBLIOTHECÆ
NORIMBERGENSIS
MEMORABILIA,

hoc est,

Naturæ Admiranda,
Ingenii humani Artificia,
&
Antiquitatis Monumenta.

Quæ,

in Illustri Noricorum Universitate,

JOH. IACOBUS LEIBNITZIUS,

JUSTI JACOBI, BIBLIOTHECARIJ, F.

Idibus Junij, cId Idc LXXIII.

sollemniter recensuit,

additis Annotationibus necessariis.

Accedit

CHRISTOPHORI ARNOLDI, V. C.

De

Hydriotaphia, hoc est, Urnis sepulchralibus,
in agro Anglorum Nortfolciensi repertis,

Epistola gratulatoria.

NORIMBERGÆ,

*Apud Wolffgangum Mauritium Endterum, & Johannis
Andrea Endteri Heredes.*

cId Idc LXXIV.

Johannis Ephraim Scheibel Pat. 1783.

027
N9746

62096



M. CHRISTOPHORUS MOLITOR
FACULTATIS PHILOSOPHICÆ

H. T. DECANUS.

Benevolo Lectori

S. P. D.



*Emporum nostrorum & ingeniorum
luxuries, eruditionis, quæ hodiè ad
summum pervenit, arcana, olim ex
Præceptorum ore calamoque hausta,
solis ex libris percipere fastidit. Vile-
scit anxius Ptolemæi labor, septuaginta millia Au-
thorum instruendis; puerilia sunt Dictatoris Cæ-
saris ex victis gentibus librorum sollicita collecta;
nec Augusti diligentiam in iis conquirendis nunc
admiramur: Typographia denique felicitatem sper-
nimus & cupimus ipsarum intuitu rerum, non
minùs quàm librorum lectione doceri. Hinc lau-
dandarum Bibliothecarum decus & ornamentum
non tantùm in multitudine scriptorum consistit;
verùm etiam variarum rerum ad scientiam per-
tinentium farragine: Ex qua feliciùs discitur,
quàm sæpè ex plurimarum paginarum altercati-*

one. Quemadmodum enim imagines fortium Virorum si inspiciuntur, tenacius inhaerent animis, quàm longus de ipsis sermo; sic rara in Bibliothecis ostensa, altius penetrant, & nullo obliuiscendi metu firma insident memoria. Hinc quorundam studium in conquirendis figuris aeri insculptis & imaginibus est occupatum; quorundam labor in coaceruandis numis antiquis desudat: alii natura rara conquirunt, metallorum origines, & incrementa investigando, nunc imperfecta ea & affecta, nunc effecta ordine ostendentes; reliqui lapidum lusus & naturae jocantis exempla magno studio congerunt: sunt qui ex aquis & Oceano frutices & plantas marinas, varia halcyoniorum genera testacea & crustacea, nec non pisces animaliaq; amphibia exsiccata explicant. Patefaciunt alii mineralia, rubricas, sales, alumina, sulphura, bitumina, aliasq; terrestris naturae species: neque omituntur gemmae & pretiosi lapides. Animantium porrò, tam volucrum, quàm quae terra marique vivunt, ipsorum quoque hominum ossa, sceletaq; in propatulo sunt. Denique & aberrantis naturae monstra in hoc theatro producuntur, & vel pulveribus Arabicis, vel nobilioribus exsiccata aroma-

*aromatis hominum demortuorum cadavera, quæ
salutaria vivis remedia exhibent, quicquid etiam
remotis à Sinensium Indorúmque gentibus, novóque
orbe rarum exportatur, exponitur: Ipsa misero-
rum numina, fragili ex materia & flavo terre
luto conflata, vel ad risum, vel ad promovendam
misericordiam ob cæcos rationalium animos, qua
forma, quo vultu sint tetro, & horribili aspectu
conspicienda, proponuntur. Quæ res in hominum
animis & admirationem parit, & maximam di-
vini Numinis potentiam, quam nemo homo discen-
do satis comprehendere potest, patefacit. O singu-
larem DEI nostri providentiam! qua nobis conces-
sum est, nosmet perficere, & multa maximorum
Doctorum, in omnibus scientiarum generibus, le-
ctione, & solo aspectu maxima ejus miracula ad
animum demittere. Tale Sapientiæ Domicilium
Literarúmque Sacrarium magnarúmque animarum
Palatium, merito vocatur Bibliotheca, quæ quoti-
diana DOMINORUM NOSTRORUM
Munificentia Noribergæ & libris doctissimis & re-
bus rarissimis locupletatur, publica. Cujus laudes,
si spectes codicum tum MSS. tum excusorum co-
piam & dignitatem, luculentissimis orationibus,*

pro eruditione suâ expressit Magnus Saubertus ,
ὁ ἐν ἀρίστοις , *cujus fama apud nos & alibi locorum ad-*
huc vivit : vivit & ipse in Filiis , sui prorsus simili-
bus , de re literaria & sacra optime , utinam diu-
tissime , merentibus . Cui cum à Dilherro secundus
in munere Bibliothecarii obeundo , Successor datus
esset , Plurimum Reverendus , Amplissimus atque Ex-
cellentissimus DN. JUSTUS JACOBUS
LEIBNITZIUS , Antistes Sebalдинus , Patro-
nus noster æternum honorandus , Cujus nomen , si
audis , Pietatis ejus zelus & consummata Erudi-
tionis atque Eloquentiæ Decus animum subit , per-
misit ipse filio adhuc unico , Bibliothecæ pulcra per-
reptare penetralia & quæ præter Authorum com-
prehensionem notatu digna extant , excerpere .
Quod singulari persecutus est diligentia , Pater-
narum Virtutum , Pietatis atque Doctrinæ amu-
lus , qui notam falsi inurit proverbio , Heroum fi-
lii noxæ . Ille postquam diligenti lectione plerosque
bonæ notæ apud Latinos Authores evolvisset , quæq;
digna sunt , in usum excerpisset , nullum studium
omisit , quin ea , quæ per vestigavit miranda , ora-
tione docta complecteretur . Maçte Virtute hac
 JOHANNES JACOBUS LEIBNITZI ,
 & fu-

*Et futurum Te laudis Paterna heredem ex asse
auguror. VOS verò*

MAGNIFICE DN. RECTOR,

ILLUSTRISIME DN. COMES,

EXCELLENTISSIMI D^{NN}. PROFESSORES,

*Túque Nobilissima STUDIOSORUM Corona,
quia cras hora II^X. matutina, quæ conscripsit,
publicè Et solenniter est recitaturus, Benevolentia,
Gratia & Humanitate præsentis, Juvenis ardentem
animum inflammare more Vestro, quo literas eri-
gitis Et promovetis, quæso pergite: Pietatem nam-
que ejus erga Vos, Et pro hoc officio Gratiam,
nunquam esse intermorituram, sanctè
spondeo. Valete.*

P. P. S. S. Facult. Phil. pridie Idûs Junii A. R. S.

cl^o l^oc LXXIII.





Σοφῶ καὶ πολυμαθεστάτῳ τῷ Νεανίστῳ , Κυρίῳ
 ΙΩΑΝΝΗ ΙΑΚΩΒΩ ΛΕΙΒΝΙΖΙΩ ,
 Πατρὸς ἀείστου ἀείστου γυνήματι , Ῥήθει εὐτυχιστάτῳ .

ΕΥ καὶ ἐπισταμένως , ΛΕΙΒΝΙΖΙΕ , ἐξερείνῃς ,
 Ἀτλίνα Νωειακὴ Βιβλιοθήκη ἔχει .
 Ἡνίοδῃ , τῆς ἡβης καὶ εἰαρὸς εἶσιν ἀπαρχαί ,
 Ταῦτά . ὧ ἐυφυῖς κίλλιμα δῶρα τέης !
 Εὖγε , φίλῃ Κεφαλῇ , βάλλ' ἔτῳς ἢ δ' ἅμα πείθῃ ,
 Ὅτι μετ' εἶαρ εὖ ἤξει ὁπώρα καλή .

Συγχαίρων καὶ πάντ' ἀγαθὰ ἐπευξάμεν ,
 ἐποίησε

Γεώργι⦿ Ματθίᾳς Κοινίγι⦿ .

Βίβλος , ἰδμοσύνης πάσης σοφίστι δοτείρας ,
 Σπευδῇ ἀναγνώσας ΛΕΙΒΝΙΖΙΟΣ , ἐνεία μέσαις
 Πολλὰ φίλ⦿ πείλεται , ἐμφυχ⦿ βιβλιοθήκῃ
 αὐτὸς ἰὼν , λαλεῖ καὶ μῆλια βιβλιοθήκῃς
 Ἐν Νωειμβέργῃ ἔσῃς . Συγχαίρει Ἀπόλλων
 Ἡδυνεῖ δερᾶποντι ἰῶ . Βέλτισ⦿ ἐκεῖν⦿
 Πατρὸς βελτίστῃ , θυμῷ φρονέοντ⦿ ἀγίστῃ ,
 Υἱὸς ἔφυ , διδασχὴν γενετῆς καὶ εἰκελ⦿ ἦθη .
 Οὕτως ἂν τίκτει φοῖνιξ φοίνικα φίλισον .

Cultissimo DN. Oratori ,
 Optimo Affini

Scrib.

Andreas Unglenkius.

U.S.F.Q.P.



U. S. F. Q. P.

MAGNIFICE DN. RECTOR,
ILLUSTRISIME DN. COMES,
EXCELLENTISSIMI DNN. PROFESSORES,
*Nobilissima Lectissimaq; Juventutis
auree flos !*



Umultuante rerum novitate, verborum pretium hodie amittit, quisquis audientis animum, novorum ostentatione, nescit demereri. Ea nempe mala scabie prurimus miseri, ut ex omnibus *hæc* æstimemus una: quo veterum immaturo fastidio, qua voluptatis opinione, quo petulanti seculi genio, equidem ignoro.

Non alia placent aurium irritamenta, ac rerum novarum personata commenta. Non narium amœnior copia, quam ver novum. Lanuginosum sit oportet, quod titillet. De musto ac lacu nisi fervida omnia, sapor non sunt: nobilissimæ etiam voluptatis, vel semel redeuntis, vix patientia est. Uno: recentia extollimus, veterum incuriosi, ac eorum, quæ velut ex longo intervallo vix cernuntur. Tempestitiva res, cujus fibras elidamus, modò seculi nostri tempora, quibus adhuc faciliùs vitia nostra, quam remedia patimur, finerent. Digna, cujus mendum corrigat prudentissima Gaditanorum litura, quorum aræ, non *Mensi* tantùm, sed & *Anno* fumârunt, ita colentium novissima, ut antiqua non contempsisse viderentur. Sit Novitati suus lepor; & Antiquitati non sine Venere assurgimus. Cana res est Antiquitas, sed sancta, utut cariosis incedat pedibus; pulchra est, modò linteis deterga-

B

mus,

mus, cuius speciem, veluti fumosas imagines, caligo quædam neglectæ vetustatis obduxit.

Maſti, ubi ubi estis, novitatis incontinentes Proci, virtute pristina culpam isthanc emendate, nova has inanias gloria abolete!

Alia omni æstumatione VOS metior, *Aud. Opt.* quibus suaviores illecebræ, quò vetustate robustiores, qui pretia rerum statuitis, non quòd novæ sunt, sed quòd valent. Agite, & qui benevolè huc confluxistis, in inclutæ *Bibliotheca Norica Antiqua & Memorabilia* mecum inquirete.

At, cùm semper egregium sit, metiri quantum valeas, excusatione tenuitatis meæ odium arrogantiæ publicè deprecor. Eam olim Alexandro Magno ementiendæ stirpis vanitas fecit superbiam, ut nullius præter Polycleti æs, Apellis colores, Pyrgotelis cælamen, in adornanda effigie sua admitteret. Quidnî superbiat egregium hoc *Orbis compendium*, BIBLIOTHECA, quæ VIRI, immortalis gloriæ, *Johannis Sauberti*, eâ nobilis est facundiâ, ut Apellem in fingenda Venerere ille imitatus, penicillo non potuisset melius, ære splendidius, cælamine elegantius: dignissimus & Apelles, & Polycletus, & Pyrgoteles; nec injustè nunc oratoris novi deridiculo sit

Os blasum -- debilisque lingua.

Dedit vir modò laudatus, cuius grande desiderium perstabit in memoria Virtutis, Inclutæ *Bibliotheca* hujus *Structores & Curatores*; dedit *rariora*, ad Codices imprimis aut ætate, aut calamo insignes pertinentia: me, quæ infra tanti Nominis gloriam erant, quæ *Artis*, quæ *Naturæ*, quæ *Antiquitatis* supersunt, juvabunt Monumenta.

Nec aliquid impendere indignabimini, *Aud.* ut denuò pulcherrimum hoc limen transeatis; Benevolentiam nempe Vestram, cui, propria desertus fiducia, omnem spem meam eloco. Cogitetis, & in pontibus obolum pro transitu dari. Dum itaque rebus *antiquis* interestis, *antiquum* animum mihi præbete; quem mereri, quàm emendicare, malim.

Quod.

QUOD FORTUNATUM MIHI, VOBIS IUCUNDUM EVENIAT,

— — — * *Vertamur in orbem,*

Addamus sacris * *oscula liminibus.*

Sacer enim hic locus est, nec sine religione adeundus. Adju-
ramus profanos lapide, cui mecum inseritis oculos, immor-
tali præcone :

ILLUSTRIS. CURA. STUDIOQUE. FAVENTE. SENATUS

Inscriptio.

HIC. HABITANT. MUSÆ. PALLAS. HTGEIA. THEMIS

ET. DEA. LUX. VERI. ET. REVERENTIA. NUMINIS. HOSPE-

PASCE. VOLENS. LICITIS. MENTEM. OCULOSQUE. MODIS

AST.*UNGUES. COHIBE. RHAMNUSIA. NON. PROCUL. ET. QUÆ

SUPREMUM. CLAUDIT. MORTIS. IMAGO. LOCUM

Vos verò exoptatissimi Hospites , clari Majoribus Vestris,
egregii ipsi, succedite intrò, quos salvere jubeo voce summa,
quoad vires valent. *Aternitatis hoc Capitolium est* , quod
dum conscenditis, triumphare mihi videmini, non * *coram*
milite laureato , sed in facie omnium, omni ætate & sua &
Patriæ gloria splendentium. Quicquid ex his amavimus,
quicquid mirati sumus, hic manet mansurumque est. Ca-
pitolium olim vel ea magnificentia Civibus suis conspicien-
dum erat, quòd * *quadrato saxo* substructum esset. Nostrum
hoc, non saxorum mole æstimandum, aut lapidum conge-
stu stare credendum; *muta ista & inanima* intercidere ac re-
parari promiscuè possunt ; Interna perpetua sunt. Hæc una fi-
delis memoriæ custodia rerum gestarum, horum incolumi-
tate æternitas Orbis obsignabitur.

At reprimo me, ne vel suspensa Ora Vestra laudum am-
plitudine magis magisque diducere velle videar, aut com-
munia morari desideria.

En vobis fores SOPHIÆ Consultorum, quas si sub-

Ambula-
crum I.

— — *membris exire senectis.*

Meo ego instituto, ad hæc digitum intendo siparia, operosa
manu elaboratam tabulam involventia, vicinarum ædium,
aut arcium potius, æmulam, coloribus adeò egregiè no-

Cometa de-
pius.

item imitantibus, ut verone Natura vicerit, an Ars venusto mendacio, hæreas. Coelum stellulas flammulasque sine numero, sed in numerum circinat, è quo siderum Theatro spectaculum Cometa dat, radiis tanquam spiculis armatus, cujus, nescio quo pabulo, enutritus ignis, annis retrò decem in flamas surrexit. Res visu pariter ac memoria deformis: ponite tamen metum Hosp. impunè videtis, exarmatum jam suo fulmine, quem alii cruento suæ cladis fato. Chaldæus non sum,


Nec mihi sunt sortes, nec conscia fibra Deorum:

fortasse tamen Gallus miles neque Marti nomen dare potuisset, nisi Classicum canente hac stella: nec Hollandiæ bellum indici, nisi Patre patrato Cometa; nec mortale Belgium (*meliora!*) mori, nisi Coelum ipsum lugubri rogo funereū ignem admovisset: sed erro: nostra hæc inquietudo est, * *innocens cælum!* Erecta in lætiora mente, gratioribus dandus est animus; &, si nihil Vobis adsperferit molestiæ, illi Vos mecum transcribite machinæ, quæ à carie temporūque injuria liberetur, candeat gemmis, fulgeat auro, dignissima est. Minerva enim ex marmore vilius fit! Nolite jocum putare cachinno deludendum, penitiūs Vos si admisero, detinebit cum oculis animos Vestros opera penicillo Apellis, Phidiæ solertia, industria Lyssippi nobilissima. * *Abacus ligneus* est, Veteris Fœderis Chronologiam accuratissimam sistens, serie pulcherri-
ma, Patriarcharum, Ducum, Judicum, Prophetarum, Regum & Pontificum denique, ad Annum usque R. S. quintum & quadragesimum *Historiæ Sacræ Amphitheatrum pretiosissimum*. Artificis nomen, haud scio qua iniquitate, jamjam evanuerat, dandamque eam Antiquitati veniam putavimus: at, quod hætenus pudebat, utinam nunc coram gloriari liceret, non eam seculi nostri incuriam esse, quam adeò Dædalæ manus immemorem, redarguat serior ætas. Mecum ipsi mentem adhibete, benè qui conjiciet, Vatem hunc perhibebo optimum. Lætor equidem augurio animorum insignium, quibus * *Regiomontanus* placet: nec infelici id conjectura, quippe ex Italia reducis in urbem Noribergam favor prærogativæ

Abacus
Chronol.



ad pag. 13.



gativæ inclinavit, hanc ante omnes adiit, hoc Præceptore incluta primùm didicit suo supponere coelos ingenio. Hic venerabilis miraculo literarum, multisque devinctus beneficiis, hanc grati animi reliquisse tesseram creditur. Fecit certè liberali hac beneficiorum interpretatione, ut denuò oblige-
mur, novamque indies gratiam ipsi debeamus. Et scelerato signanda nomine porta, quæ petentem denuò Italiam dimisit: ubi infelici calice mortem invenit, invidiæ dolo, cuius si magis causam, quàm ipsam invidiam intueamur, Virtus est; quam nunquam non ægris oculis livor introspectit, modum fortunæ exigens. Mallem vivum laudare, quem vivum fovit urbs nostra, demirata est Italia, obstupuit Orbis, nunc ereptum ignavo prosequi questu, tanti non erit.

Vos potius Hosp. gratisimi, nummum parate; pericu- Ambul. II.
lum enim est, ne lites experiamur, nisi depecisci velimus. Scholasticorum hic compita sunt, quorum * *Nominales* & Scholastici.
Reales, iuvicem nudius tertius petulanti convicio usque ad pallorem, heri usque ad sputa, & aliàs, usque ad pugnos decertarunt. Acerbagense est, facilè incalescit, stomachosa difficilè delinitur, clamosa virus fellis exudat effusissimè. Adhibenda illi fomenta erunt, ut pacem ferre velit, quam ego medicinam nec præsentī seculo inviderem. Salva tamen res est, locum cum periculo mutavimus.

Museo nunc oculos curiosos applicabimus, antiquitate amœno, & Naturæ miris curioso. Huc itaque manus ego, Vos ora convertite. Vascula fictilia sunt, tenuissimâ argillâ, pulcherrimis subflavi coloris imaginibus ducta, religionis priscae symbola genuina. En * *Acerram*, è qua

Acerra.

dat populus, dat gratus eques, dat tura Senatus, suis pulchra manubriis, ornata operculo, apta, quæ & felicitis recipiat acervum, & paupertini grana; nec precum subvertitur virtus

— Mente magis, plena quam lance dedisse.

Alterum * *lachrymarum receptaculum* ajunt, in quibus Vas lachry-
olim lugentium affectus creditur despumavisse. Quod cum male.

viderit prior ætas, nondum mirari desii, posteris affirmare non ausam, imò vix ipsam sibi fateri, quæ adeò obstinatam famam subscribentem habent, quâ standum, ubi certam derogat Vetustas fidem.

Lucernæ.

Quid fieri
placet?



* *Lucernæ* nunc oculos ad se invitant, arsuræ adhuc, sibi si fuissent relictæ. Quo *æternitatis fomite*, dentata charta inter Elegantiores agitur, ita tamen, ut deprehenderim jurare in ea potius, quæ volunt quàm quæ sciunt vera esse. Ego bellum non moveo, ne omittere motum cogar. Vos egregii literarum Camilli, Correctores, Critici, ohe dum nunc ad me, est in quo stilum exerceatis, adeste, admove te manus, edicite, Q. F. P? literæ in ventre apparent, Senio exesæ. LUCIM. EXOFIUSTI. Agite Vos Oedipos volo Davus! Vereor, Audit. Optimi, ne moribus antiquis JUSTUM, ad alteram excitent Satyram. Urnis quondam appositas fuisse, quis est, qui nescire velit? Non scimus, indagine imprimis causarum implicati. Vagularum forsan animularum cura invexit? Magna certè ratione, ne nempe * *cum cineribus manentes*, in tenebris agerent; aut illuni nocte pedis digitum offenderent; aut furculum calcarent; aut capite graviter offenso ad cineres ipsæ defluerent. Parcite his ineptiis, quibus si ereptus fuero, immortalitatis symbolum dixerò nec inani prurigine, nec dubio calculorum aliquo favore. Miseret me vicem Nobilissimi Liceti, quem dum nomino, proh! quàm immensum omnis Eruditionis mundum complector! cum quo calculum posuit Ferrarius. Velim ita natura tulisset, ut superstes causæ vindex fuisset! Interim vult sibi quisque credi, & vana sæpè pro veris valent. De his verò plura quàm debui, pauciora quàm volui.


Reliquiæ è
terra sancta.

Neque morabimur invicem, ego Benevol. Vestræ Constantiam, Vos sermonem. Orientis pignerabimur fortunas, quarum brevissimus aspectus magnis aliàs itineribus emittitur; nos eo viæ utemur compendio, ut redire semper liceat; nec sit, cur aut de calore queramur, aut succenseamus nivibus. Per saturam omnia hæc nobis cistella ostendet, hinc

&

EXOFIVSTI





& hinc suis distincta loculis. Ad Cunas autem quotquot ad-
estis, revocandi mihi eritis, cuius facti non veniam, sed lau-
dem expecto. Nec enim eò deposci Vos pudeat viros & fir-
matae ætatis, in quarum hospitali sinu inter culmos & fœ-
num, æterni DEI vagiit infantia. Usurpate oculis, incuna-
bulorum frustra sunt, quæ spatio circumscribere immensum,
potentia incomprehensibilem, humilitate admirabilem, *Sal-
vatorem*. Usurpate oculis, & oculos sequente manu explorete
* *carceris lapillos*, qui ipsam LIBERTATEM in vinculis
continuit, Salvatorem. En olivæ segmenta, ad quam ipse in
se ferreos nexus transtulit, alligatus hilarior, quàm nos solu-
ti, Salvator. En varias locorum reliquias, è quorum primo,
spectaculum Judaicæ feritatis dedit, Deus in carne afflictissi-
mus, Salvator, hoc Pilati præconio: ECCE HOMO! Dein
ubi Apostolorum, quacunque patebat via, erumpentium
constantia, levi in fuga desiit! Ubi nata est B. V. M. ubi * *visi-
tavit Elisabetham*. De * *agro sanguinis*, de villa Bethphage,
de campo Damasceno: ubi gravi somno sopitum, & suis ma-
lis indormientem Simonem, lethargo eripuit Salvator: de
natatoria * *Siloe*. De montibus * *Thabor* & * *Sion*: de Castel-
lo Emaus: ubi Elias dormiebat: de luto Jordanis: de fontibus
insuper Mariæ & Apostolorum. Quorum ante quàm obfi-
gnem sermonem, Golgathæ etiam saxa produco perpetuam
odorum tempestatem spirantia: Vos ex ingenio quisque suo
demite, addite fidem, impunè utrumque.

Naturæ miris pollicitatione mea debetur Oratio, quo-
rum nisi Museum hoc tutelam gereret, fabulas aut fictas res
duceretis. Puerperium Gallus expertus * *Ovum* exclusit, mira ^{Ovum Gal-}
Naturæ vicissitudine, explorata tamen fide. Confessam ru- ^{li.}
bore verecundiam Lucinam ajunt, masculi precibus implo-
rari,

ut solvat partus molliter illa suos,
subrisisse tamen lepidam, & obstetrices manus tulisse. Non
equidem me falsum habet, esse, qui facem hac de re bello
præferant, mallet tamen argumentis potius quàm clamori-
bus!

Calculi
corporibus
exempti.

bus decertari, quo victor discederet gloriosior, doctior vi-
ctus! Deucalionem magnæ Matris ossa, id est, Telluris lapi-
des, Themidis monitu, post tergum projiciendo, humanum
restituisse genus, Vatum errore credidere gentes: Si ineptire
religio mihi non esset, relictum quippiam in nobis ex illo ja-
ctu dicerem, duræ originis tabulas perpetuas, quoties inpri-
mis * *folliculum fellis*, stomachi culinam, renum & vesicæ in-
viso officinas. Emerso ab admiratione animo, videbitis non
calculum, sed saxum ingens, è vesica quondam Magni no-
stri *Sauberti* excisum; cui si fiat, ut qui meus est sensus, esset
idem omnibus, omnium animi æterna extarent Mausolea:
nam quæ lapide aut maculoso marmore exsurgunt, si arbi-
trium posteritatis, amaritudine ingenii damnet, pro sepul-
cris spernuntur. At,

quid Vobis animi, quis color oris?


In hoc magnitudinem mirati, nunc cum silentio defixi,
in alio externam faciem animadvertite: *Ducis Mercurii Gal-
li* est, qui Noribergæ, quam in patria non poterat, quæsitam
Anno 1601. mortem invenit, febris levi igniculo exolutus; cujus cum
Melampus inter alia renes expertus novacula esset, cotem se-
care visus, & secuit. Mox inde calculum depromsit, formæ
in tantum prodigiosæ, ut digitos projicere, & ex parte cru-
cem etiam pulchrè videatur exprimere, quam ego in crucem
sæpius eum egisse crediderim. Mole utrique superior ter-
tius est calculus, è *Georg. Majero, Holmiæ* extractus, ponde-
re librali, cujus quidem lignea nobis copia est, reliquorum ce-
rea. Funeribus hos suis interfuisse dixero, sentientes se mori.
Non humanæ verò sobolis cruciatus, hujus mali inclemen-
tiam depascit; quæ * *ratione expertium* etiam sortem admiscet.
Prædem hunc Catelli lapidem accipite, magnitudine ultra
quàm nucis juglandis, formæ nec rotundæ, nec oblongæ,
sed utriusque. Quo miseri merito id evenerit, equidem igno-
ro: certè non vini consuetudine.

Pyrus lapi-
descens.

Nec è curioso hoc nostro Museo eliminanda pyrus est,
quæ in lapidem solidissimè congelavit, quod aquæ virtuti mul-



Cornutus.



*Ovum Gallij
366j. 2. 6 Majj.*

extractus est, è Georgio Maiero.

Canis.



*Ducis
Mercurij.*




calculus Vesicae Holmiae

Hac magnitudine

*Nov. 3. 648. Pondus erat lb. 2. Civis
s. 32. 50th.*





cum multis, ætate ac usu edoctis, adscriberem fidentiùs, nisi ultro citroque fide data accepissem, in ædibus veteri prosapia Nobilissimæ Familiæ, quam florentem ac æternam ominor! consecræ arboris truncum ita obriguisset, ut, si ferro everberes, ignem exoneret, sine tamen ullo lymphæ confinio, si suum memoria officium facit. Verùm enim verò naturæ joco hæc potius, quàm peccato fieri, conceptissimis verbis conclamatum ab iis est, qui animum in hunc ludum misere curiosius. Imò adeò festivitati suæ facetiarum mater lepidissima non temperavit, ut, deprehensa primùm, fontium hæc virtute, Circeo quasi poculo, ludere, ne manifestò teneri videretur, novo lepore falsas humanas mentes fuisse, indagatoribus persuaserit, vastasq; expansis ramis arbores hinc inde in montibus, sine aquæ suspicione, in rigidissima faxa commutaverit, cujus audacia & brutis experta, in ipso homine desit. Edoctura, non utiliter in subsidium venire rationem, ubi nihil proficit, cujus sacra credantur quàm discantur feliciùs. Quo illud obtinuit Natura, ut avidiùs inquirentes invenerint, vim quandam metallicam lapidescentibus ingenitam, idque aut stellarum virtute, aut loci opportunitate. Faftorum Francofurtens. fide uti si libeat, retulero illi Anno 1628. Nobilis Hungari opes magnificas, in subterraneis reconditas filiam quæsisisse, parentis ex asse heredem, invenisse etiam arcam, quæ effracta, cum diu satis sub malleis genuisset, lapide undique induta, effudit lapidea omnia, quæ aurea acceperat, præsentissima adhuc poculorum & monetarum figura: ut certiori itinere ad egestatem se festinasse heres deprehenderit, quàm fortunæ amplitudinem. Pessimum Alchimix genus, ex auro lapides si fiant!

Sed spei Vestræ exordia in destinatos successus deducenda mihi paulò profundius sunt; atque ut evolvan moras, *Olla veneni impatient.* *veneni impatientem*, quod simul ac excepit, aut evomere ajunt, aut rumpi. Vasculum, * *Murrhinis & Onychinis* contra carum.

C

Quid?

Quid? quod si Imperatorum Regumque mensis innotesceret, vereretur, ne aurum ipsum vilesceret.

Gallus Qua-
drupes.
Cornua mi-
na vacca.

Aberrantis etiam Naturæ in alienos foetus vestigia hinc observamus: *Gallum*, quem non bipedem, sed quadrupedem natura produxit. *Cornua*, quæ utut primum cervina mentiantur, bovis tamen foeminae fuerunt, matris certe vitio, quam aut de communicando foetu cervus convenit, aut impense nimis imagine facta errare permisit natura. Quæ si Romanis olim evenissent, aut hostiis majoribus expiassent, aut lectisternia indixissent, adeo minimis etiam rebus* prava religio inferebat DEOS. Nobis veterum more cornua hæc * *Diana* suspendentibus, si votis vestris opportunus fuerit, * *Cornutus* dictum factum! in scenam se afferet, cujus frontis eminentia palam, causa in occulto est. Credas homini inordinato forsan amoris incendio licentiùs æstuanti, quæ illatis in alienum torum vestigiis corrivali volebat, ipsi accrevisse cornua, unanimi amantium suffragio:

Cornutus.

*Inter quem quondam lis orta est atque Beanium,
Cornibus esset uter firmior aut melior?*

Cornutus vicit, quod mox in fronte videre est,
Ille caduca, sed hic cornua fixa gerit.

Ea verò nunc supersedendum orationis parte est, quæ reliquis Anatomicorum scriniis operam dedisset. Neque est, quod curatiùs edisseram ea, quæ vos videre malo: desideria tamen vestra expectatione sua ut liberem plenius, ex homuncionum familia nonnemo adest, & *pumilio*, licet in monte; quem tamen tenella infantiae ætas potius, quam naturæ parsimonia in nodosum hunc globum ligavit. Quod reliquum est, * *crania* habemus, Suecorum alia, alia Germanorum: hæc ut levi ictui lethali vulnere viam fecerunt, ita illa vix plumbeæ glandi. DURUM GENUS!

Embryo.

Craniorum
robur.

Sceleta.

Vereor ne ad Calvariae montem adducti videamur, eam ossium copiam nobis, varia corporum solidamenta affundunt:

dunt: de quibus quid dicam, non reperio auribus vestris dignum, nisi forte *noctuam* adesse, oculatissimam quidem, sed, ut sunt ingenio nocturno, adeo cœcutientem, ut viam non inveniatur, quâ itur Athenas; quamvis non magni interesse existiment alii, ad decus & laudem civitatis. Aut, *sciurum*, ejurantem æstu flagrantissimo, umbram sibi cauda non facturum, quod pili defluerint. Aut *Ranam*, in media Germania, Seriphiam; altum quippe filet: aut *Testudinem*, hieme terram non subeuntem: aut *Mustelam*, bono omine præsentem: aut *Ardeam* adesse, sed perpetua temperantia, pisces, stomachi antehac unica solatia, negligere. Et ut in serium rem vertam, sacramentum vobis dico, diu esse, quod ab hoc, quem videtis, *lynce*, lyncurium quæram, nec adhuc quicquam invenisse. Imò ne vanus supra fuisse videar in Capitoli nomine, en firmamentum ac robur nominis, *Bubali caput*! Et his curiosum Museum nostrum obsignantes, obviam adhuc habebimus * *Ciconiam*, *Æthiopiam*, si quid mihi creditis, nunquam demigrantem. * *Simiam*, limaces peccatori arctissime admotas non pavescantem. *Homines*, cerebrum non habentes, ne in calcaneo quidem: *aquilam* insuper & *lupum*, at, nec viribus feroces, nec ingenio violentos, nec minaces vultu, neque *edones*. Unicum superest hujus generis, quod silentio premere, instituti mei ratio non patitur, non rei dignitas finit, non vestra attentio remittit. Fabrica hominis est * *cute denudati*, muscutorum situ, vena-

Cute denudatus.

Æsculapiorum tandem subsellia prætervehentes, ad novum appellimus ambulacrum, quod ante quàm conscendo, amœnissimum portum teneo, ad quem nisi aut nostra, aut artificis adnavigasset industria, naufragium ille artis fecisset, nos præsentia. Hortus is *Eystetten*ensis est, in quo non modò qui apud nos aut colore aut odore præstant flores, verum et-

Ambulacrum III.

iam ex peregrinis præcipuivifuntur, quos alieni solis patientiæ assuefecerat superioris ætatis cura. Opus ea naturæ artisque varietate spectabile, ut ubi jam hiemis sævitia odoratissimos hos ornatus alibi damnaverit, hîc ars perpetuam ridentis naturæ pompam intuentium oculis explicet:

Viderit hanc aliquis, naturæ dixerit esse:

Admoveat digitum, dixerit artis opus.

Ne verò & iis quæ supersunt, aut splendorem ordini, vel splendori antiquitatis deesse ornatum, animos Vestros Chalcicæcō. fubeat, documentum rei vobis en * *Chalcicæcon* adaperio, inauratis opertum tegulis, argenteis laminis, parietibus suffultum, ut *quis tanti habitaverit?* non frustra quæsieris. Reliquis olim sacrum erat, nobis non relictis.

Ceterum Bartolus & Baldus ad album hîc sedent. Qui recentium ac musteorum planè scriptorum adhærentem seriem secum trahunt: Aldrovandos, Kircheros, Schoftos, Castellos, Waltonos, Bochartos, &c. papæ quantos!

queis doctior orbis


Summissis defert fascibus imperium:


Qui simul velut * *ova illa ad notas curriculis numerandas* Ambul. IV. exposita olim, *quarti ambulacri* nobis iter ostendunt.

Supple-
menta Bibl.

Æterna merita Incluti Senatus Norici non patiuntur dignam hîc suam præterire immortalitatē, cujus incolumitate, harum rerum æternitas, mea cum vestra salus, & Bibliothecæ hujus nobilissima firmantur incrementa. Hæc recentia pignora sunt, quibus indies suum erudito orbi obsignat amorem: hæc materia est, qua perpeti sollicitudine unóque velut tenore Reipublicæ suæ absolvit gloriam.

Idque





Idque Tua imprimis publica munificentia , Magnifica autoritate fulgentissime DN. GEORGI SIGISMUNDE FURERE , quæ tantum profecit , ut in privata non rarò beneficia se gloriose diffundat. Donatio digna quæ in Theatro fiat, * *qua Bibliothecam* hanc denuò haud ita pridem *Tibi* devinxisti, cujus nunc publico nomine TANTORUM in ipsam MERITORUM ÆTERNITATI, EN! TEMPLUM VOVEO.

Accipe, quæ pietas pendit Tibi vota merenti. Tua pariter hîc divertitur gloria, quam amplitudo Natalium, & Majorum dignitas , & Tua potissimum Tibi virtus imposuit : pacis belliq; usu Nobilissime DN. GEORGI CHRISTOPHORE VOLCKAMERE, qui non Carthaginem nec Athenas, sed (majora !) totius Terrarum orbis pretiosum simulacrum, quasi Triumphator ad hos gloriæ arcus advexisti.

Tabula Geographica elegantissima.

Facit *Tantum Nominum* memoria Auditores ! ut implicatus in sese eat, redeat ; gradiatur , regrediatur ; & refractarius quasi (quia impar) intersistat orationem difficilis sermo ; nec in obscuro est, satiùs verecundè differri Tantas, Patres Patriæ Splendidissimi , laudes Vestras, donec loquentia mea suæ supervixerit infantia, digniorque Spiritus hos artus, hanc linguam meam animaverit.

Theologorum nunc *Chorus* se pandit, & elegantia & pretio omni hætenus foro superior ; cujus interiora penetrare & ordinis & instituti ratio reliquum facit.

Solent Cursores stadii curriculum pedibus metari alacriùs, quò angustiore confinio sunt constituti. Nolite impatientiæ manus dare Hosp. Vener. nec enim hujus, sed cōstantiæ laus est. Ita admovebimus lineas feliciores : pergite, & si terminare

minare oculis metam lubeat, huic vos scrinio admove-
 re: cuius custodiae, ad instar Lararii, *Mexicanum* hoc Idolum
 mancipavimus, quod copioso *auro inspersum* ambitiosè
 prospectat, nobile unionibus, gemmis nitidum, torquatum
 etiam, & pulchrum undique, nisi omnem cultum una defor-
 maret membrorum foeditas. Vultus distortus est, pectus
 velut squamis obductum, lingua dentibus suspensa, & ut nu-
 mero dicam, deformia cuncta. Speculum post tergum pro-
 mit, futurorum, clementiae etiam, ac irae vatem. Instar Vejovis
 coli credunt, ne probrum castis, labem integris, infamiam
 bonis inferat, aut noceat universis. *Indignum humanarum*
mentium ludibrium!

Charta Chi-
 nensis.

Chartarum etiam Chinesium nobilitatem suspicite,
 è bombycis pensili busto contextarum, imò *divitias potius*
literarum, quas non vicenario numero admetiuntur (pau-
 peris est numerare) sed nonnulla millia desiderant, idque
 utramque eruditionis paginam fecisse est, plurium literarum
 cognitione eminere: ita nunquam non ipsis discenda lectio
 est, & in noscendis elementis repuerascendum.

Ad ostentationem scenarum aptior mutatio, quæ plau-
 sibus personant, quoties *Actor* iisdem aliam faciem induit,
 levi seriam, gravi ludicram.

Ego quod modò lararium vidistis, non ingrata forsan
 vice Delphicam instruo, non auro, non argento; at scypho
 ex orichalco nitido, raro cum ingenio parato, dein Vitro:
 hoc genio, illo ingenio vestro satis facturus.


Vitrum Lu-
 theri.


Vitrum Lutheri est, quod inter hilaritatis agapas quon-
 dam *Iusto Jonæ* suo dono dedit; non materia magis, quàm
 fragilitatis humanæ hoc monumento splendidum:

DAT VITRUM VITREO JONÆ VITRUM
 IPSE LUTHERUS
 UT VITRO FRAGILI SIMILEM SE NO-
 SCAT UTERQUE.

Quo nunc & ipsi mihi excipiendi essetis, nisi inter jejunos
 siccare pocula vinolenti sit. Germanos insuper versiculos
 intu-







intuentibus exhibet, venustæ brevitatis, nonnihil tamen aliquando supra mensuram trahentes:

Dem alten Doctor Jonas/
Bringt D. Luther ein schön Glas/
Das lehrt sie alle beyde fein/
Daß sie gbrechliche Gläser seyn.

Utriusque etiam faciem, quos amabilissimus amoris nodus semper in vita, hîc ars conjunxit; eo colorum non ineleganti temperamento, ut vel obtusa oculorum acie assequi liceat, animorum adfectum, & veluti stagnantem in vultu.

Vitrum cum *Scypho* commutamus: raræ hoc specimen industriæ est, ejusque elegantiae, ut sculptoris omnem exhaustisse artem credas. Næ, inusitato antea conatu, tantas res parvis lineis reperit non infimus numerorum arbiter *Christianus Heiden*, qui universum fermè cœlum brevi hoc compendio contraxit. Lineæ dignissimæ, quæ præ pulvere Mathematico metallum elegerint, quarum contemplationi quoties me dedo profundius, ita animum à sensibus externis emancipare possunt, ut *Archimede*m formis intentum, quas in pulvere descripserat, atrocioris militis sustinuisse iram, non mirer. En manibus teneo pateram, cujus interior ambitus Arcticum ejusq; Zonam ostendit, unde horrifer aquilonis stridor gelidas molitur nives: Dein conjunctionum & oppositionum calamitates, tempestates ventorum, Lunam vel in cornua se curvantem, vel silentem, plenam, aut æquali proportionem divisam sistit.

*Scyphus
Mathematicus.*

In fundo acum magneticam ejusque declinationes eleganter observamus. Altera pars singulorum quinque dierum spatium, Menses, dies festos & profestos, ipsasque horas artificiosè definit.

Hæc omnia, orbis tegit in plano stellas exhibens, quod *astrolabium* aliàs dicimus, plena his versibus margine:

ET

ET QUANTUM ASTRONOMI PER CER-
TA MATHEMATATA PRÆSTENT
ASTROLOGIS OPUS HOC QUEMQUE
DOCERE POTEST.
EX HOC FONTE FLUUNT HOROSCO-
PA CUNCTA FIGURIS
QUANTUMVIS VARIET CIRCINUS
ILLA SUIS.

Versa facies scalis *altimetris* suaq; fiducia regula instruitur, ro-
tulis etiam mobilibus, horis nocturnis accommodatis, quas feli-
citer evolvemus, *ex motu stellæ fixæ primæ magnitudinis auri-
gæ, sive Heniochi quam vocant capellam, alii humerū agitatoris.*

Cetera quoque quæ præstat, ex Voto urgenteque officio
meo vobis recensenda essent, nisi orationem mea in his igno-
rantia præcipitaret, cui hætenus Mathematicorum cœlum
nullo pennarum remigio involare licuit, imbuerentq; felici-
tūs alii iudicio nos suo. Horologium restat, quod è dorso in-
star Cylindri assurgit, cavitate sua acum includens oblongam,
perpetua inquietudine mobilem, quæ centro impositi vitri
subiecta, Horizontalem rectitudinem, & tandem ex oppo-
sito solis tenenti, diei horam explicat, ad cuius simul pedem
illud inculcatur: VOLAT IRREVOCABILE TEMPUS!

Et hætenus sua quidem luce fulsit scyphi nostri præstantia.
Quæ accendetur plenius, si, quid adsciti fulgoris acquisiverit,
penetraveritis, nobilissimam inclutæ BAUMGAERT-
NERORUM PROSAPIÆ puto memoriam, ita autem
uti est, habete:

DN. HIERONYMO
BAUMGARTNERO. VIRO
OMNI VIRTUTUM GENERE
ORNATISSIMO. PATRONO SUO.
CHRISTIANUS HEIDEN. HOC
HOROSCOPUM. SUARUM MA-
THEMATICARUM OPERATIO-
NUM PRIMITIAS DEDICA-
TUM VOLUIT
ANNO MDLII

Et iterum :

CLAR. V. DN. HIERONTMO BAUMGARTNERO MECOENATI SUO
FACIEBAT CHRISTIANUS HEIDEN NORIBERGÆ
ANNO M D L I I.

Ad hujus itaque gloriæ æternitatem hæc æra provocant.
Imò

Hunc nec fata Virum, nec tollere celsius orbis
Vota queunt: cujus transverberat æthera virtus,
Inque Deum foribus stat.

Meritoque gratulamur piis Manibus, pariter ac generosæ
Posteritati, cujus quoties vultus confusis admiratione oculis
intuemur, reviviscentem ATAVORUM gloriam, & in singu-
lis uno amplexu, dispersas Majorum virtutes, colligimus.

Sed fata rerum ! Auspicioꝝ opportunitatem ! Qua &
sub TANTIS NOMINIBUS, & communi alacritate
Vestra, *Auditoꝝ omnium Ordinum splendidissimi*, defungi suo
munere oratio hæc mea festinat. Quot ego vultus vestros in-
tueor, tot *Bonæ spei capita* videor affecutus. Accipio omen, &
portum hunc non tam Oceani, quam votorum omni cura
teneo. Neque enim poenitentiam facti *Scipionem* subiisse
legimus; qui aperientibus se paulatim Africæ littoribus, quæ
proximæ terræ essent, percontatus, cùm *pulchri pro-*

montorium, vocari audiret, placet omen,
inquit, huc naves dirigite !



D

ANNO-

ANNOTATIONES.

Ad Pag. II.

* *V*ertamur in orbem) O jocularē religionem inquis? At nullo pudore fit, quod probat consuetudo. Hæc veterum Rhodus, hic saltus erat: Caput torquere, crinem rotare, totumque circumagere corpus, ut sentirent se pios: προσκυνεῖν quidem περιεφερόμενος Numam edixisse, autor est *Plutarchus in vita*: cujus cum rimatur causas, ἐι μὴ νῆδία, inquit, τοῖς ἑγυπτιοῖς τροχοῖς ἀντίτινάζει καὶ διδάσκει ὡς πλῆστον ἡ μεταβολὴ τῆς ἀήματος, ὡς ἔθενός ἐστι τῶν ἀνθρωπίνων, ἀλλ' ὅπως ἀναστρέφει καὶ ἀνελίττει τὸν βίον ἡμῶν ὁ Θεὸς ἀγαπᾷ καὶ δέχεσθαι προσήκον. h. e. Profecto, Egyptiis rotis simile quiddam mutatio illa habitus significat, docetque quasi nihil ex humanis rebus stabile & firmum sit, sed utcunque vertat Deus, revolvatque vitam nostram, id jucunde ac libenter admitti conveniat. Piè!

Inter hanc quoque venerationem se convertentem Camillum, prolapsū cecidisse scimus, Deos precatum, ut si cui eorum nimia sua fortuna videretur, eam invidiam lenire quam minimo suo privato incommodo, publicoque P. R. liceret. Liv. V. Annal. Quod num commodè satis Vir doctissimus T. D. illud *Claudiani* rapiat:

*Quis melius vibrata puer vertigine molli
Membra rotet?*

S. P. Q. Literato relinquo, qui mihi obsequii gloriam.

* *Oscula liminibus*)

*Non ego, si merui, dubitem procumbere templis,
Et dare sacratis oscula liminibus.*

In quæ *Tibulli* ita *Turnebus*: Hoc, ut opinor è Romanorum moribus dictum est, qui religionis aliquid liminibus & postibus tribuebant. L. XII. Adv. c. 5. Procubuisse autem ad limina, adorantium more, vel Patria valedicturos comperior; ita enim *Charinus in Merc.*

Limen superum inferumque salve simul atque vale.

Vel in amoris negotio, ea morum elegantia, iis argutiis, suos ignes, singultus, amores, adolescentulis commendaturos procos. *Sagitt. de Jan. Vett. Cap. 37. §. 9.* Honoris denique & religionis stimulo: *Prud. in hymn. Laur.*

Aposto-

*Apostolorum ac Martyrum
Exosculantur limina.*

Et apud *Valer. M. l. 2. c. 5.* Fores Scipionis venerabundi converrunt osculis prædones. Item *Rex Prusias* Curia Romanæ limen, *orationem non tam honorificam audientibus, quam sibi deformem habens.* *Liv. 45.*

* *Ungues cohibe*) Moderanda in publicis thesauris digitorum licentia, qua rebus ætate infirmis, quid non intertrimenti fit? Rectius manus Chirothecis, aut quibuscunque sui juris finibus continebit pudor, si non magis res illas nos capiamus, quam nos illæ. Clusum itaque Janum potius, quam Patulcium volumus manibus oculatis, nihil credentibus, nisi quod vident, premunt, explorant. Imò

QUISQUIS ES HOSPES
TIRO ESTO MANUM APUD TE HABENS
SI EFFERS AD TACTUM AUT AD RAPTUM
VERBŌ DICAM
TE EFFERTO

Quod ad limen *Lipsiani* horti antehac edictum est. Cujus documento abesse quoque incontinentes manus jubet Nobilissimus *Athenarum Noricarum hortus*, in quem si penetraveris, rogabis cum Gentili Deos, totum ut Te faciant nasum. Sic autem ad fores:

HIC NATURA PARENS TOTO QUOS PARTURIT ORBE
FLORES FERT OCULIS: QUEIS LEGE, NON MANIBUS.

Et iterum:

HOSPES AMICE ADVENA
QUI HORTI AMOENITATE
CUPIS OBLECTARIER
MODESTIAM ET CONTINENTIAM
COMITES HABEAS
FLORÆ CUSTODES.

* *Coram milite laureato*) Ut eandem virtutem odimus nunquam & miramur, ita S. P. Q. R. aliis majora gratiæ, quam rerum gestarum magnitudini dederunt, alios triumphi hæc, illâ gloria dispo- liarunt: hinc aliæ atque aliæ triumphantium ostentationes: aurum, purpura, signa, tabulæ *Flor. l. 18.* Funalia, Tibiæ *II. 2.* Vasa argen- tea, cæлата, coronæ aureæ, dona sociarum civitatum. *Liv. 37.* Signa militaria, oppidorum simulacra, eburnei dentes. *Ibid.* Hostiæ, signa ænea, catapultæ, balistæ, omnis generis tormenta. *Liv. 39, Statuæ. l. 8.*

Carpenta, torques. *l. 36.* Epulæ ante omnium domos extructæ *Flor. l. 3.* Inprimis captivi, *documenta humanorum casuum*, speciem triumpho præbebant. *Liv. 34.* Laureæ autem victos milites *Festus* vult de *V.S.* ut quasi purgati à cæde humana intrarent urbem. *Blond. l. 10.* Qui etiam triumphum nomine ciebant. *Liv. l. 45.* His verò omnibus, quid aliud victores agunt, quàm dum suum decus extollunt, addant gloriam victo?

* *Quadrato saxo substructum*) *Lipſio* hic animos ac mentes adhibebimus, operæ pretium facturi, cui nunc audientiam facio. *Narrat hoc Livius l. 6.* inquit, post Romam à Gallis captam, & cum ea instaurata à civibus fuit. Ergone tunc denique Capitolium saxo quadrato structum? nego de ipso edificio, fateor de monte: itaque attende, substructum dicit non extructum, de *Magn. l. 3. c. 5.* Rem acu! Neque enim nulla ratione factum, aut sub manibus demum substructionis vox nata *Livio*, quam hic lapidum congestus propriam habere videtur. Ita & *Cicero* & *Plinius* insanas Capitolii substructiones mirantur. *l. 36. c. 15.* Quas in mustea hujus arcis delineatione *Fusto Rycquio* adjecta, sculptoris industria eleganter expressit. Non autem quadrato tantum saxo Capitolium nitebatur, sed tota facies quadrata undique fuit, idque è natura templorum omnium fuisse, non sine asseveratione magnus *Gutherius* affirmat. Næ, templa *Lycaonii*, *Mammææ*, *Vestæ*, *Herculis*, *Cybeles*, & *Pantheon* fermè omni ex parte, rotunditatis convexione conclusa fuisse, testes laudare possum maximos, quos, se non audivisse sed vidisse, non opinari sed scire, certum habeo dicturos. Quæ omnia venustè exhibet. *J. Laurus in Antiq. Urb. Splend. p. 29. 30. 31. 32. 43.* Cui addantur *Maravigl. di Roma, p. 84.* Et *J. vestigi dell' Antichità di Roma da Stef. du Perac. Parasino. p. 35.*

Ad Pag. 12.

* *Innocens cælum*) Cur enim sanguine hos ignes pasci dicamus, quibus nutriendis, stipendium quasi de publico statuit provida natura. Imò faciamus cum *Cardano* globum in cælo constitutum, solis luce ardentem, *l. 4. subtil.* quod *Burseri* etiam calculum meruit, in *Introd. ad Scient. Natur. P. II, 13.* utut alia omnia *Sennertus*, *l. 4. 2. Phys.* Nihil in hoc globo portenti! Aut concinnemus è materia duplici, altera terrestri, cœlesti altera, massam, quam cum *Campanella*, illustrari vult *Barthol. de Com. p. 32.* Nihil hîc damni!
Vel

Vel denique deducamus hæc corpora è substantia pellucida, alicubi descendente. *D. Christ. de Com. p. 31.* Salva adhuc possunt stare Omnia ! Quas itaque malorum adstruamus causas, nisi forsan arripiamus, Cometas, nescio quæ stellarum comitia esse, quorum consultationes, maximo sæpius in mortale genus discrimine promanent: quem etiam antiquum animum miror è *Democriti* schola, *Aldrovando* mansisse. *Hist. monstr. p. 728.* Nec sine sibilo abeunt *Polydoro Virgilio*, *Gisb. Voëtio* & *Andrea Libavio* (qui assumpta persona *Basilii de Varna* esse vult) annorum inde necessaria fata evolventes. Certè nondum persuasit rerum eventus, quoties Cometa perfulsit, toties consecutas, veluti ancillatas juratasq; pedisse quas calamitates: at verò felicitates? Audet id *Vincentius Guinifus*. *Alloc. 6.* Quem transire ad eorum subsellia videmus, quos *J. Bosius*, ὁ πᾶν, recensuit in suo *de Cometarum signif.*

* *Abacus ligneus*) Quæ superius de hoc fecimus, ea lege accipias B. L. ut à nobis quasi manumissus, eas quam voles in sententiam, liber esto: Ceterùm de vario abacorum usu, nomine, ornamentis, utramque ni fallor paginam faciunt *Ursinus in Ciac. de Triclin. Turnebus l. 11. c. 3. & l. 26. c. 3. Rhodiginus l. 4. c. 6. & 30. c. l. 13. c. 12.* Et *CL. Salmasius in Obs. ad Jus A. & R. Cap. 23. p. 456.* Non nemo è marmore tantùm abacos adornasse Veteres vult: imò verò & ligneos, è *Thujæ* inprimis radice, è qua pretiosissima edolabant opera, tanti æstimata, ut foeminarum luxui tributa imperantibus maritis, hæ regerere ausæ sint, & in mensis non minus insanos sumtus fieri. *Joh. Gorop. Becanus in Vertum. p. 79.* Argentea autem abacos plerumque supellex ornaverant, quasque sibi gula erigere pyramides solebat.

* *Regiomontanus*) Dignus ea Apotheosi, cujus quod mortale fuit Pantheon reciperet, quo absente deesse adhuc aliquid videbatur nominis veritati. Quàm magnificè autem sentire de eo Viri summi certent, vel ex *Jovio* palam erit in *Elog. Vir. Doct. p. 218.* Cui *Gassendum* subjunge in *vita. p. 365.* Me *Bartasii* nonnulla attulisse juvabit, *l. 6. Hebd. p. 219.* quæ nisi adscriberem, injuria fieret curiosis ingeniis. Ita verò ille, *Interpr. Lerm.*

-- Nam quid Te, turget quo cive Tarentum,
Archyta memorem, quid, quam das arte columbam,
Pondere qua librata suo per inane vagata est,
Quid memorandum aque longissima sacra tulerunt?

Ac aquilam, nostro quam Teuto vir edidit ovo:
 Illa manu docti porro dimissa Magistri,
 Ivit in occursum Regis Romana tenentis
 Imperia. Unde loci subito conversa per auras
 Agmine pennarum, Regem comitatur ad alta
 Tecta Norimbergæ, cui non pendentia longis
 Atria porticibus, non ardua mole theatra,
 Non qui fulminei passim de turribus altis
 Dissultant crepitus, juvenum non ardor ovantum,
 Longævigæ senes tantum decus addere visa.

O prestans animi virtus, atq; amula divûm
 Dextra, potis brutis vim tantam innectere membris.

Quæ quidem Aquila, tanquam è vinculis ex Urbe simul & Anna-
 libus evolavit. At si amtestari licet, aures probè teneo P. Rami, hu-
 jus famæ non incerti auctoris. l. 2. Schol. Math. in quem etiam hac
 in causa Bonifacius in hist. ludricæ exclamat: HÆC TU PETRE
 RAME IN * TUORUM LAUDES. l. 18. c. 2. Hunc postea se-
 cuti Gassendus in vita, Jonst. de N. C. P. V. Art. 3. m. 6. Baldus in dis-
 cursu, quem præmisit Heronis Alex. Mechan. Relig. Medici Commem-
 tator. Sect. XIV. p. 84. Et ex omnibus D. J. Andr. securus hac in re
 est, Menip. Inst. mag. p. 219. At hi omnes, quo altius Regiomontani
 artem in hoc ascendisse credunt, lapsu graviore ruere videntur Cl.
 Ruperto in Valer. diff. Polit. c. 7. & 8. §. 17. & Immortali Cass. Hof-
 manno, de Usu Part. §. 193. p. 61. Quo etiam famæ joco Typogra-
 phiæ auctor aliis habeatur, ostendit Doctissimus Mallinkrôt. de hac
 arte, p. 75. Cap. XI.

*Cur, Tuor-
 um?

Ad Pag. 13.

* *Nominales*) Vereor, ne si reducem *Alanum* Natura patere-
 tur, oscula regia denuò sumturum, ille in se audiat:

Ibis Alane foras!

Adeò *Scholastica* sapientiæ expiravit hodiè gratia, quæ acerbis-
 simam ingenii ita infudit, ut vix eruditus esse queas, nisi iracundus &
 ferox: hinc tot Philosophica bella, tot prælia, quæ non sine cura obser-
 vant *Aventinus* l. 6. *Annal.* p. 497. *Hornius* hist. Philos. l. 6. c. 5. *Ludo-*
vicus Vives de caus. corrupt. Art. l. 1. p. 70. *Erasmus* l. 23. Ep. 7. & in
 præfat. milit. Christ. alii. Inprimis autem *Nominales* & *Reales* in perpe-
 tua pacis delapsi sunt pericula, quod *Nominales* (antea *Occamistæ*)
 contra

contra *Reales* (Scotistas) defenderent, Universalia, mera esse nomina, non res. *Horn. l. c.* ad quam si descendissent arenam, adeò fervebat Scholasticus sanguis, ut suis concludi venis impatiens, viam quaesiverit, quam vel alapæ fecerunt.

* *Acerram*) Thuri pio, votivo, sacro, &c. certa vasa destinata fuisse, nunc in manibus tenemus. Cave tamen confundas, thuribula & acerras, thura quippe ex acerris prolata, vel adolebant in thuribulo, vel ingerebant focis. Quod benè monet Kippingius in *Antiq. Rom. l. I. Cap. XI. p. 256.*

* *Lacrymarum receptaculum ajunt*) Mœstitiæ præcepta Romanos ceteris mortalibus dare posse, non frustra existimaveris. Non enim funus subeuntes in eo acquievère, æqualibus spatiis ad longiorem Pompam dividi; distinguebantur insuper necessariorum manus vasculo, dolori sacro, aut lacrymis potius, adeò doctè inter cereos pullósque ornatus manantibus, ut ipsum dolorem in spectaculum prodire crederes: qua quidem lacrymosa scena, ut nihil hodiè famosius, ita de eo Antiquitatis conjuratum silentium experior, ut hac in causa, Judicem Arbitrumve postulare, sit *ἡ δὲ ὁρίαντος ἡγεῖται*. Appositas tamen charissimo cineri lacrymales ampullas, *Lapidum fide* accipite: Quid enim illud, posuit cum lacrymis? cum lacrymis & opobalsamo condere? *Casal. P. 2. c. 21. de urb.* Quid illud: Tumulum lacrymis plenum dare? *Guth. de J. M. l. I. c. 28. p. 173.* Hinc *Roma:*

ULPIAI SCITAI PILUMENAI
CONJUGI B M P
ÆLIUS MACER ANTESI
GNANOR. TRIB.
LACHRYMAS POSUIT

Est ni fallor è veteri formula, aut hoc testium satis, aut nescio quid satis sit. Pertinebit ad argumenti tum dignitatem, tum evidentiam, plura nunc pressio vestigio persequi. Erant enim illa vascula aut testacea, *Chifletius ver. exeq. ritu p. 29.* Qualia & in Misnia eruit *Albinus*, cujus Chronicon vide. *p. 179.* Cujus nunc opportunè memor, nescio quid l. c. sibi velit, à nonnullis *Plendisteria* dici asserens? quæ vox cujus aut familiæ aut matris sit, non assequor. Quid si *περὶ τῆς ἐπὶ τῆς πένδε*? Quod equidem *ἀντὶ τῆς πένδε* satis habeo. Vel etiam Vitrea erant *Joh. Smith. de Oppid. Batav.*

Batav. C. 4. p. 31. Fabric. in Rom. p. 198. Aringh. in Subterr. l. 2. p. 278. D. Geier in Lug. rit. cap. 12. §. 5. p. 271. eaque opali in morem plerumque splendentia Mus. Septal. C. 22. p. 57. & 58. Quali me oppiparè muneratus Vir Nobiliss. D. J. G. Volckamerus, ut est Viri Summi expositus planè ad benemerendum animus : hunc, quamdiu habebit Noriberga nostra, habebit & Germania, quem insolentis Angliæ, Galliæ ac Italiæ opponat supercilio. Si Scaccho fidem adhibere placeat, ad lacrymas servandas unguentario etiam vase usi. Myroth. 1. Cap. 47. p. 461. Si Casalio, non condebant solùm propè cineres, quod una cum conditorio eleganter exhibet Raderus in Mart. l. 1. Epigr. 93. p. 176. Sed vitris quoque lacrymalibus instar infundibuli, tenue foramine perviis, subinde, jam conditis cineribus, rorantes questus instillabant. de Urb. P. 2. Cap. 21. p. 351. Adeò nempe mirari magis licet discrepantes in ea re autores, quàm quid veri discernere. Forma iis, quot quot ferè mihi exhibuere Musea multò nobilissima, oblongior erat instar digiti indicis, patulo ore & incurvo nonnunquam, ea consensus elegantia, ut quid de nostro sentiam, vix habere possim, & forma & materia & magnitudine in contrarium euntibus. Vid. Monum. Illustr. p. 3. Scacchus l. c. Kircherus Syntagm. 12. Cap. 3. p. 385. Cujus Oedipum, quàm in hoc, Davum non magis vidi. Olauum. Worm. l. 4. rer. var. c. 1. & 7. p. 347. 362. Cotov. in Itin. Hieros. Cap. 10. p. 50. Casal. l. c. Aringh. Rom. subt. l. 3. Cap. 22. Si quid tamen edicendum, hæc notanda existimo : Primò : Romanum hoc vasculum non agnoscere posse, cum Orientis esse videatur, quod Virorum φιλολογωτάτων etiam admonitu persuasissimum mihi est, & utinam his vestigiis ad rem propiùs accedere liceret. Deinde, lacrymatorium tamen esse posse, quamvis non Romanum : notamus enim Ægyptiorum cum Romana Gente, hujus ritus conspirationem, eo ipso vasculorum dissensu, quo nostrum hoc à Romanis abest. Itaque cum sit Orientale, quod facilè obtinebimus; dein lacrymale; eo enim nomine à manu in manum hætenus datum est; pronuncio; esse vasculum lacrymale Ægyptiacum, quale Aldrovandus, operosissimus & consummatissimus rerum harum indagator, in Mus. Metall. pulchrè describit, ne colore quidem à nostro alienum :

In quibus si erro, fateor me errorem errare adhuc.

Ad Pag. 14.

* *Lucerna*) Ut non semel, quod modò ostendimus, ita in Lucernarum quoque usu in *Aegyptiorum* se mores transformasse Romanos, Illustris Patini, cum aliis, mens est. Quos primas lucernas accendere, tenebrarum in nocturnis sacris pellendarum necessitas docuit: re deinde in religionem versa, Deorum simulacris apponebant, vel iræ placamina, aut sp̄s futura consequendi; tandem sepulcris etiam adhibitæ, vel divinitatis symbola, vel ad animæ perpetuam illustrationem, quod Ebræorum filiis *נר נשמה* præstat. Ab illis dein Christiani pariter lucernarum usum mutuati sunt; quorum ut à Gentium Lampadibus discernas rectiùs, observarunt harum rerum Viri studiosi, P. aut X P. insignitas esse, manifesto Salvatoris omine. Quod æternitatis aut fomitem aut pabulum attinet, ego huic igni, omni agilitate manus subduco, ne demorsos ungues expectantibus ostendam adustos, idque fiet fidentiùs, quò magis jam hæc & *Aristophanis & Cleanthis* olent Lucernam; *Liceti* puto & *Ferrarii*. Illud prætereundum mihi non est, esse, qui in hac arte censum potiùs quàm meritum quærens, ingenio ad quæstum magis quàm ad gloriam facto, edoctrum se dedit, olei incombustibilis conficiendi rationem, è triplici sulphure, minerali, vegetabili & animali, per ignem cabalisticum sive æthereum Solis & Lunæ (auri & argenti) sine aëris admisione accendendi &c. Sed, quod rerum omnium est primum, quærenda pecunia homini metallico, cui *Virtus post nummos*. *Ἀβέστον* aliàs hîc multum posse, persuasissimum iis est, qui rei miraculo experientiam adstruunt. Nec dubitat *Kircherus*, illi æterni luminis inventum polliceri, qui oleum ex *Ἀβέστον* elicuerit, h. e. è *pumice aquam*. *Mund. Subt. Sect. 3. l. 8.* At nisi speciosior verbis, re inanis videri velit, accendat lucernas suas curioso Orbi, quem eo felicem esse oleo, jam pridem corrivalis ejus *Schottus*, sua fide sanxit. Hûc illud *Marbod. Galli* pertinet. *Cap. 7. Daëtyl.*

*Arcadiæ tellus lapidem producit Abeston,
Ferrens huic color est, natura mira potestas.
Nam semel accensus, conceptos detinet ignes,
Extinguiq; nequit, perducens perpete flamma.*

Imò aded perenni ut, extingui amplius nequeat, si *Mylio* credimus *l. 4. Basil. Chym. Cap. 20.* Incendii autem hujus artificiosa ratio est, radiis solaribus in speculum collectis. *B. Casius. l. 4. p. 1. c. 3. Vossio* aqua Chymistica placet. *Cap. 9. de Philosoph.* quæ *Barbaro in Dioscorid.* cælestis est, *Democrito* modo *Scythicus latex*, modo *πνεῦμα*.

E

Loquun-

Loquuntur autem plures, plura in hac causa, quam audent. Sitamen quisquam, certe sua se fide egregiè exsolvit *C. Schottus in Mag. Pyrotechn. Cap. 6.* Cui addantur, *Scardeon. Antiq. Patav. l. 1. & Ruscell. le Impresse Illustri libro secondo, Parte second. p. 77.*

Mihi in ratione reddenda nonnullarum, quas supra recensuimus, literarum, paucis adhuc laborandum; & quidem nescio quæ me sustineat confidentia, animum ex metu ut sumam. Ultramque autem si inspicio lucernam, ubique est, quod omnibus vestigiis inquiram. *Prima*, has ostendit LUCIM. Quid meus præfagiat animus, si risum continueritis, dicam trepidè: ut autem laudem inde nec venor nec auguror, ita Correctionem non deprecor, imò PROVOCO. Itaque LUCEM apprecari defuncto, necessariorum curam voluisse crederem, si cur & vos credatis asferre possem. Certe I & E mutuas apud Vett. subiisse vices, novum non est. *Voss. de permut. lit.* Aut si hujus vos poeniteat argumenti, dicam audaciùs: Lucernam IM mortalem inscribere voluisse antiquitatem, more suo truncatis verbis, plura enim spaciū brevitatis non admisit. Joculari illis argumentum, qui has lucernas non agnoscunt, at palmarium assertoribus. *Alter*a, ut amplior est, ita literis ditior, EX OF JUSTI habet. Num EX OFFICINA JUSTI? Ita figuli FORTIS nomen *Smithii* Lucerna præfert, quam exhibet *in Noviom. p. 31. Et Ursatus Monum. Patav. l. 1. Sect. 3. p. 150.* Quid si EX OFFICIO JUSTI, hunc ignem positum, aut EX OFFICIO JUSTA facta esse testetur. Tu, si potes, meliora!

* *Cum cineribus manentes*) Hanc Veteribus de animæ post mortem statu fuisse mentem, *Boxhornius* innuit *Quæst. Rom. XI.* Quod planè illa *Ammonii in Porph. c. 1. col. 3.* videmus velle: *Animi*, inquit, qui quadam corporis cupiditate ducuntur, post corporis interitum, in corpore, amore persistunt, in monumentisq; ut ferunt versantur. Et sequentia Poëtarum: Ita enim apud *Nasone* Medea, omnes nemorum, noctisque DEOS evocans, quid horum ope sæpiùs præstiterit enarratura, *insit. 7. Metamorph. v. 200.*

*Quorum ope, cum volui, ripis mirantibus amnes
In fontes rediere suos: concussaq; sisto;
Stantia concutio cantu freta, nubilapello;
Nubilaq; induco: ventosq; abigoq; vocoq;
Vipereas rumpo, verbis & carmine, fauces:
Vivaq; saxa, sua convulsaq; roboraterra*

Et

Et silvas moveo: jubeoq; tremiscere montes:

Et mugire solum, manesq; exire sepulchris.

Et Marol. 3. Æneid.

Animamq; sepulchro

Condimus, & magna supremum voce ciemus.

Nec displicent V. CL. Olão Borrichio, quæ Servius in hunc locum observat; Ipsos Ægyptios ea potissimum causa, medicata cadavera (quæ Mumias dicunt) confecisse, quò anima in defuncto corpore constantiore fœdere hæreret, nec corruptionis graveolentiâ in bestias emigrare cogeretur, neque enim Ægyptiorum μέμψυχως, (aut potius μεταγγισμός) alius erat, quam τὸ σώμα καὶ φθίνον, id est, corporis putrescentis. Et hinc etiam procul dubio, in officiosus ille peregrinantibus Tattarorum error manavit. Qui ea religione ducti, in plerosque hospitem, aut genere, aut animi donis, aut etiam corporis robore nobilium, crudeli manu sæviebant. Credentes, horum animas, non sine felicitate, secum habitaturas. *Vid. Licet. l. 2. c. 56.*

Ad Pag. 15.

* *Carceris lapillos*) Carceris hujus è plerisque S. Terræ Scriptoribus memores reperio paucissimos, ut injurato etiam Zuvinnero crediderim, parcè admitti hospites. *Itin. l. 2. p. 216.* Præter hunc enim Leonh. Rauchvolff. *Sanutum Torsellum*, & Joh. Werli à Cimbr. aliosque per paucos habemus, quamvis hi ipsi rei narratione in discordiam agantur. Ostenditur autem in ædibus Pilati.

* *Visitavit Elisabeth*) Elisabethæ domicilium, quo Virginis matris adspirabat iter, *Saligniæ* temporibus videbatur adhuc non sine religione adventantium, ad quod fons B. Virginis aquas profundebat, quas hauriret. Cujus supra vidimus reliquiarum reliquias.

* *Agro sanguinis*) אֶרֶץ דָּמָא *Act. I. 19.* ager figuli quoque dicitur, quòd hic vasa sua coquerent, ita R. Samuel, Lyra, Hugo, alii. Vel à possessore, aut argilla fingendis vasis idonea. Muro hodiernum circumscribitur, tectus testudine septem foraminibus, (aliis novem) pervia, quibus defunctorum corpora immittuntur. *Salign. T. 6. c. 5. T. 10. c. 1.* Non autem nisi peregrinos eam terram admittere ajunt; ut cum CC LXX. naves, quantum capiebant hujus terræ, Romam avexerint, ibique ad Vaticanum montem ex

E 2

onera-

oneraverint, (quod hodiernum Campus sanctus vocatur) eadem naturæ constantia incolas respuat, peregrinorum autem substantiam XXIV. horarum mora, avidissimè derodat, quod cum *Comite Alexand. & Johan. Solmens.* observat *Adrich. p. 173. Confer. Chetomaum. p. 22.*

* *Siloë*) Saracenis in pretio hæc unda, qua odorem juvant gravissimum, eam alieno naso exhibentes molestiam, ut allium oboleas libentiùs, aut eos, qui in culina habitant. Quanti quanti enim sunt, hircum olent. Hinc meritò hircorum socii.

* *Thabor*) ἡ ἱερὴ & ἁγία, τὸ τῆς ψυχῆς ἀγαλλίαμα. *Terrenum cælum, & animæ oblectamentum. Joh. Phocas in S. Locis. §. 11.* Næ, ut conscendentibus voluptatem omnia facerent, nihil prætermisit natura. Hinc loci desiderio exardens Petrus, tabernacula poposcit; quem ne votum falleret, precibus satisfecit posteritas, ut ut præter ruinas hodie nihil deprehendant ii, quibus eas adire terras datur.

* *Sion*) Mons alta semper nive candidus, hieme adeò non fenesciente, ut delicias gulæ facturi Tyri incolæ, hac æstiva pocula temperarint. *Hieron. in loc. S.* Hodie jure civitatis gaudet, quem olim mœnia excludebant. *Willebr. ab Oldenburg. apud Allatium.* A parte urbis Aquilonari, ædificia habebat *Regiam, Domum Asmonæorum, & Xystum*, pontem etiam *Templum Sioni conjungentem.* Quorum quamvis ruinas à parte urbis australi peregrinantibus ostendant, nihil moratur *Cl. Lightfootus, ita enim Ille in Centur. Chorogr. Cap. 23. p. 49. cum satis pateat, eos in plerisq; aliis hallucinari, extraq; omnem controversiam sit, eos non tam veritati in ista re studere, quàm sibi ipsis lucrum venari.*

* *Ovum Galli*) Faveant fidei nostræ in diversum tendentes, quos turmatim rejecto capite, illud ingeminare vetus audias: *cras credo hodie nihil.* Cum quibus vix rationibus ampliùs utiliter pugnaveris. Prope fidem certè res *Lemnio* est, *l. 4. de Occult. rer. mir. S. hotto Phys. Cur. P. l. c. 9. p. 995. Jonstono Cap. 17. admir. avium, aliis.* Nec morantur in contrarium euntes, qui quamvis diversi rationes, diversa producant fronte, vultus tamen omnibus unus. Plerisque enim hîc illud *Physicorum* militat: *locum suo locato non respondere*, neque in Gallo ullum esse, qui aut continendis ovis, aut

aut conservandis sufficiat, quo uteri dignitatem urgent, ejusque in Gallo absentiam, in qua sanè sumit potius quàm habet adversa pars præsidium. Dediscendum enim esse, extra uterum nullam dari foetus aut ovorum officinam, *Deusfingius* persuadet, ex cujus mente gurgustium hoc, præter calorem & loci commoditatem nihil confert, neque eum hætenus aut experientiam, aut rationes videmus deseruisse. Næ, stomachum aut ventriculum aut intestina etiam uteri vicem nonnunquam sustinuisse, non dubia indicia perhibet *Barthol.* qui feli ore foetum fundenti, si rectè memini, adfuit ipse. *Cent. 1. Hist. 99. adde Cent. 5. A. 98.* Jam verò haud difficulter, dum in desuescenda Venere occupatur Gallus, seminis collecto coagulo, inque ovum coeunti, tantillum spæii locabit natura, quæ in fele, aliisque potuit, numerosæ proli.

Ad Pag. 16.

* *Folliculum fellis*) Genuinæ hæ microcosmi Latumix sunt, imò perpetuæ. Tantum enim abest, ut omnes à calculorum injuria metum removeere possint, qui nullam sentiunt: ut potius in plerisque inventu facile esse credam, omni apparatu comportatorum acervus: si medicorum manus aut examini sufficerent, aut nos pateremur. Nec in his membris stetit hætenus doloris molestia, quæ etiam cerebrum penetravit. *Kentm. de Calc. p. 1.* Extremitates digitorum invasit *Jd. p. 20.* Linguam affecit *Seidel. ad Barthol. Obs. 3.* Quorum exempla haud parca manu admetiri possem, è *Barthol. Hist. animal. 57. Borello. c. 2. obs. 22. Forrez. l. 14. Obs. 26. & aliis.* In arteriis quoque inveniri, primus curioso Orbi detegere sibi videtur *Tulpius Observ. Med. l. 2. Cap. 25.*

* *Ratione expertium*) Vidi, qui sues calculis infestari probent; novi qui equorum ostendant; boum, Columborum, Asinorum, *Al-drov. Mus. exhibet l. 4. p. 793.* addo huic *Calceol. Museum Sect. 3. p. 404.*

Ad Pag. 17.

* *In homine desit*) Exemplis si animum adhibeamus, inter alia pedis meminit. *Calceol. Mus. Sect. 3.* Ea elegantia in lapidem elaborati, ut nisi oculos sequantur manus, omni pignore contenderes, ex recenti hominis compage decerptum esse. Quo exemplo ingentia quoque humana corpora reperiuntur obriguisse: qualia inter multa elegantiora in *Analectis miscell. menstr.* observat *Matthias*

Zimmermannus. Mens. l. §. Ll. p. 58. E brutorum, quæ scio, documentis, illud arietis mihi caput placet, ut erat cornibus, fronte, auri-
bus, maxillis, lapideum; villum etiam omni mento, boni ponderis
arunco, quod idem *Mus. l. c.* describit.

* Masc.
Livius.

* *Ollam veneni impatientem*) Nobilis eo nomine *terra Lemnia* est, admirandarum in venenum virium, quam quotannis 6. Aug.
die ea religionis cura eruunt, ut *totius Insula prima autoritatis Viri,*
tum Turca, tum imprimis Græci Sacerdotes, in sacellum nomine
Sotira, conveniant, celebrataq; græco more Liturgia, precibus
fasis, omnes simul comitantibus Turcis collem (qui à sacello, gemino
teli jactu abest) conscendant, ac L. autem LX. viros ad fodiendum
adhibeant, quantum in illum annuum sufficiat. *Bellon. Obs. l. 1. Cap.*
29. Maxima tamen pars Imperatori Turcarum defertur; reliqua
mercatoribus prostat, & prece & pretio. *Montani* inventu, Terra
Silesiaca Strig. eadem virtute utimur, ut etiam Lemniæ præferri,
è *Sennerto* didicerim. *Scient. Natur. l. 5. Cap. 5. p. 372.* Celebre quo-
que Melitense vasculum *Septalii* est, quem natalem * humum,
nostrum quoque agnoscere, si quis affirmaverit, nec alienum me, nec
adversum habebit.

* *Murrhinis & Onychinis*) Lites, quas de Murrhinis hæte-
nus intendebant adversæ partes, redimunt, in omnibus ad palmam
nati, *Vossius & Salmasius.* Quibus falsus omnino *Plinius* est, quod
è Murrha humore sub terra concreto, faciat. *l. 33.* Quod ipsum,
Isidorum in Orig. à veritatis via removit. *l. 6. c. 12.* *Duze P.* senten-
tia, nullus veterum melius expressit, quid hæc pocula sint, quàm
Propertius, dum ita:

Murreaq; in Parthis pocula cocta focis.

Prona sanè ad verum mens *Vossii* est, qui similia esse illis, quæ ex
signino cocto apud Sinas fiunt, & nobis (ni fallor) *Porcellana* dicun-
tur, quibus pretium fragilitas facit. *Murrhina & Onychina*, quæ
aliis unam eandemque speciem faciunt, *Lampridio* præeunte, dis-
jungere potius quàm componere volui, *est enim in illa opinione*
prorsus nihil veri. *Salm. exerc. Plin. 562. 203.* Hinc autem procul
dubio factum, ut gemmea etiam dicerentur pocula, aut potius,
quod *murra* pro *gemma* antiquitus diceretur.

Ad Pag. 18.

* *Prava Religio*) Ita Livius, ut nostis, l. 27. Ex Campania nunciata erant, Capua duas ades, & Martis & sepulcra aliquot de caelo tacta: cum iis (adeò minimis etiam rebus, prava religio inserit DEOS) mures in ade Jovis aurum rosisse, &c. Alii libb. Parva religio, sed perperam: quod MS. codex Bibl. nostræ, tum etiam sensus necessitas evincit.

* *Cornua Diana suspend.*) Veterum inquam hic mos est, quem inter templorum Ornamenta refert G. Stuckius de Sacrif. Gent. p. 62. B. Hujus verò consuetudo inde manavit, quod Diana manifesto argumento, se hominum sanguine non pasci, non delectari nec perfrui velle ostensura, Iphigeniæ in locum, sibi jam sacrificandæ, cervam supposuerit. Hinc in omnibus Dianæ templis, *cervorum cornua*. Quo ergo errore in Aventino monte, hujus DEÆ fanum, non cervi sed bovis cornua accepit? Nempè, Bos in Sabinis nata cuidam Patri familiæ dicitur, miranda magnitudine ac specie; habita, ut erat, res prodigii loco est, & cecinere Vates, cujus civitatis eam cives Diana immolasset, ibi fore imperium, idque carmen pervenerat ad antistitem fani Diana. Sabinus ut primùm apta dies sacrificio visa est, bovem Romam actam, deducit ad fanum Diana & ante aram statuit. Ibi Antistes Rom. cum eum magnitudo victima celebrata fama movisset, memor responsi, Sabinum ita alloquitur: Quid ram Tu hospes paras, inquit, inceste sacrificium Diana facere? Quin Tu ante vivo perfunderis flumine? Infima valle * præfuit Tyberis. Religione ta- * MS. præ-
ctus hospes, qui omnia, ut prodigio responderet eventus, cuperet Auit.
ritè facta extemplo descendit ad Tyberim. Interea Romanus immolat Diana bovem. Et addit Livius: Fixa per multas ætates cornua (scil. boum) in vestibulo templi Diana, monumentum ei fuere miraculo. Qua de re Plutarchus etiam in Quæst. Rom. & Vinc. Char-
tarius de imag. DEOR. p. 70.

* *Cornutus*) Tuberosum quidem undique caput est, quale Heurnium quoque vidisse Experientiff. Dn. D. Merclinus ad Pandolph. de ventositate Spinæ haud ita pridem annotavit. Inprimis autem è fronte bina tubera exsurgunt, ut Cornuti nomen plenè mereatur. Adeò male miserum per varios casus collecta lues Gallica habuit, ut veneni vestigia copiosè ostendant ossa semesa totumque
caput

caput miserè rubeat. Imò forsan non indigné rubet , qui in vita omnem pudorem profanavit.

* *Crania*) Ita *Herodotus in Thalia Cap. 12.* Αἱ τῶν Περσέων κεφαλαί εἰσιν ἀδυνάεις , ἔτω ὥστε ἐὶ θέλεις ψήφῳ μὲν βαλεῖν , διατετρανέεις ; αἱ δὲ τῶν Αἰγυπτίων , ἔτω δῆτι ἰσχυραί , ὥς μόγις ἂν λίθῳ παύσας διαρρήξῃσας. id est : *Persarum capita adeo fragilia sunt , ut si velis ferire vel solo calculo perforare possis : Ægyptiorum autem ita firma , ut ea vix ictu lapidis elidas.* Si quod aliud , certe compactum *Egilli* cranium fuit , quod nec secures nec mallei confringebant , narrante *Arngrimio Fona l. 2. Crymog.* Scytharum autem hic non præmittenda est religio , qui nullum aliud simulacrum , quam hominum calvaria venerabantur , & illis pro poculo uti maximum honorem existimabant. *Chartarius de Imag. p. 3.*

Ad Pag. 19.

* *Lyncurium*) Fabellæ & Æsopici logi ! Quis enim ampliùs se adduci patiatur , credulitatem iis addicere , quod antehac tantum non jurabant , lyncis urinam , egestumque liquorem in pretiosissimam gemmam concresecere , quam non lyncurium , sed λιγύρειον rectiùs dicimus , quod Liguria , eam potissimum gignat gemmam ; Quo jam Theophrastum digitum intendisse ἐν τῇ περὶ λίθων Vossii Ety-mologicon autumat. Quæ aliàs de visu Lyncis , Lynceo Idæ fratri , Galliæ decus , *Sam. Bochartus* adscribit. *P. 1. Hieroz. l. 3. Cap. 8. p. 799.* Ex Tzetze in Lycophr. idem Vossius annotat , ansam fabulæ dedisse , quod primus reperisset æris argenti & auri fodinas.

* *Ciconiam*) Aquas subire hieme divino testimonio probaturi , videant , ne causa cadant , alia omnia jam dudum persuadentibus *B. Gerhardo in Isag. Diss. XI. S. 5. §. 2. Sixtino Amama Antibarb. Bibl. l. 2. p. 304. Friedlieb. Theol. Exeget. in Gen. Class. V.*

* *Simiam*) Sanè πιθήκη : πιθήκη , πᾶν χεῖρσιν ἔχει σύμβολα ; attamen ad liquidum veritas explorata illius *Enni* est :

Simia quàm similis turpissima bestia nobis.

Tuentur id h. l. hominis & simiæ insectis apertisque corporibus explicata ossa , ordini pristino restituta , quæ si conferre oculis voveritis , facietis mirabundi , aliàs ad imitandas actiones solertissimum

num animal, totos nos ea similitudine exscripsisse. Nec difficulter apparet, quàm non malè humanis corporibus medicina parcens, humaniori olim consilio, in simias sævierit, si quid investigandum. Limaces autem non pavescere quod dixerim, annotarunt naturæ scrutatores, simias illis admotas, præ metu etiam vitam amisisse. *Morhard. l. 4. Mirac. p. 258.*

* *Cute denudati*) Dignum opus, cuius laudes exquisitissimis verbis implerem, nisi ad rei nobilitatem vel nudum nomen Autoris recitasse sufficeret. Volcherus Coiterus is est, magni *Agricola* popularis, cuius operam Incl. Noribergensis Resp. honesto stipendio conduxit *Melch. Adamus in Vit.* Anatomicorum Præceptor dignissimus; In ipsa ætatis maturitate votis omnium & publicæ Opportunitati præreptus, eo publico hodieque desiderio, ut ejus effigiem, votivo parieti haud procul à fabrica hac suspensam videamus, cui Georgii Palmæ quoque imago substat; utraque Viri Experientiss. Dn. J. G. Volckameri donum, cuius etiam in Bibliothecam effusissimus affectus, *hanc quoad musculos conspiciendi hominis fabricam, vetustate confractam, renovari curavit, cum in Orphanotrophéo infantida cujusdam cadaver in quatuor demonstrationibus publice videndum exhibuisset, atque sic ter Anatomem feliciter exercuisset, mense Octobri Anno 1669.*

Ad Pag. 20.

* *Chalcicaon*) Patere, religiose Antiquitatis perite, intemperantiùs me uti hoc nomine, non enim Pallados *χαλκιοίνης* templum dare possum. Cuius Tyndareus autor, auctores filii, qui perfecere, Lacedæmonii fuerunt. *Meurs. in Lacon. l. 1. Cap. 3.* Neque aut fustuarium propterea meruisse, aut in Latumias conjiciendum me existimo, quod illud nomen, ad meum negotium flectam. Fuit illud templum Minervæ æneum; ærea & hæc nostra ædes, structuræ nitidissimæ, auri & argenti incrustatione spectabilis. Martyris verò alicujus hîc quievisse membra, illud argumento esse posset, quod columnæ, quibus parietes circumscribuntur, omnes *Sebastianum* ostendant, undique ferrea telorum segete fœcundum. Procul dubio iis quoq; interfuit sollemnitatibus hæc arca, quibus antehac quotannis confluentibus civibus ple-ræque reliquæ è B. Virginis templo ad forum ostendebantur, quod

Ad Pag. 21.

* *Qua Bibliothecam*) Lignei pugillares sunt, manu PRINCIPIS GLORIOSISSIMI pleni ac nobiles. Plura si vis, ceterum quæ habeat: JOHANNIS DUCIS SAXONIÆ CAPTI ELECTORIS PATRIS MANUS E CONCIONIBUS LUTHERI.

Ad Pag. 22.

* *Mexicanum hoc Idolum*) Quocunque oculo miselli hujus intueor exuvias, Cercopithecum ostendunt. Ut enim huic populo nulla alterius vitæ erat sollicitudo; ita optio illis dabatur colendi, quod maximè probabat cupiditas. Ex omnibus autem Simiam in pretio habuisse videntur, quibus sacra expediisse, ex *Maffeo & Balbo* accepimus. Inprimis huc illa *Vossii* pertinent. l. 3. *Idol. Cap. 75*. Inter quæ hæc *Linschotani* refert; Lusitanos A. 1554. capta insula Seylon, non contentos eam vastari, templum etiam in monte Adami spoliassè, nihil verò præter cistulam invenisse, auro gemmisque pretiosam, simiæ dentem servantem, pro quo Reguli Septingenta ducatorum millia offerebant. Episcopi tamen monitu in cineres redactum, dispersumque esse. O miseras hominum mentes &c. Quamvis animalium hic cultus symbolicus esse videatur, utut apud simplices in proprium abierit. Neque enim hic alienus *Eusebii* locuserit. *Præp. Evang. l. 11. c. 11. Felem, inquit, adorant Ægyptii propter aspidas, & serpentes venenatos; ischneumonem, propter Crocodilos &c.*

* *Auro inspersum*) Et eo ipso nomine conviviiis potius adhibendum misellum putarem, quàm aris; ex more harum gentium, quæ Regum suorum menses subituræ, ut sunt nudæ, omnibus membris opobalsamum primùm (curca dictum) inducunt, quo benè pingues; habent, qui tenuissimam ex auro arenam aspergant, & ut tenaciùs hæreat, ope fistulæ afflant, & ita pulchrè pulverulenti convivis se admiscunt. Enarrante *Ziglero in Itin. p. 254.*

* *Divitias literarum*) Ita *Kircherus Chin. Illustr. p. 227. Literarum tantus est numerus, ut decem millia ad idioma perdiscendum, modo ut tolerabiliter conversari quis possit, requirantur.*

Hieron. Bezonus ad lectionem 85000. figurarum cognitionem poscit; aut qui viri docti nomen mereri voluerit, 120000. p. m. 391. Et quod rei difficultatem intendit, unicuique Provinciae proprius linguae genius est; eo consensus (ut ita dicam) dissensu, ut diversarum Provinciarum cives, ex uno eodemque libro, omnes eodem verborum sensu legant, legentes tamen se invicem non intelligant; hinc factum ut linguam praeter suam, addiscant toti Regno communem, quae *Trigautio* Quontoa, *Kirchero* Mandarinica dicitur, quae iudicia dant, pro capite dicunt, omnesque controversias, & negotia publica expediunt. Hæc dum chartæ mando, (rei opportunitatem!) *Inventum Brandenburgicum, sive ANDREÆ MULLERI GREIFFENHAGII, Praepositi Berlinensis propositio super clave Sinica* ab amicissima Ma- nu in manum accipio, quo VIR, Commentariis suis de monu- mento Sinico & aliis, erudito orbi celebris, *Sinicorum Characterum lectionem facile, & facilius quam alius scriptura expediri, totamq; legendi rationem exactissime cognosci posse* §. 10. promittit.

Ad Pag. 23.

* *Archimede formis intentum*) De Archimede scitu dignis- sima è *Stobaeo*, *Hieronymus Mercurialis* habet, in doctissimis *de re Gymnast. libb.* Eum nempe tantis studiis incubuisse abaco, ut non raro figuras ducens, famulorum cura vi abstractus, oleoque per- fusus, in ipso corpore, medicamentis formas inscripserit. *Lib. 1. cap. 8.* Atque inter has ego formas, Chinenfiumque divitias, in- opiae meae compendium facio. Quippe malo apibus similis, quam formicis esse, quae hoc tantum agunt, ut alienam mes- sam in sua horrea congerant. Clarius dicam:

Mihi non verborum minùs, quam pecuniae honesta parsimonia est. Si quid verò aut perperam admissum aut li- centius hîc dictum scriptumve sit: JUVENEM ME ESSE. JUVENIS OFFICIO FUNGI. HAS PAGELLAS TESTOR. ET MEMINISSE L. VOLO. AUT SI LIVORI MEDI- CINA NON SIT. ESTO. QUI POSSUM?

LATRET UTERQUE CATO.

CHRI-



CHRISTOPHORI ARNOLDI

A D

JOH. JACOBUM LEIBNITZIUM
EPISTOLA GRATULATORIA.

Amicissime Leibnitzi, ad exemplum virtutis,
doctrinæ, omnemque elegantiam nate!

EGo certè & Tibi & mihi gratulari necesse habeo,
cùm singulari industria Tua apertus sit campus
nobilissimus; qui haud dubiè ostendet, qui vir
aliquando futurus sies. Bibliotheca etiam no-
stræ gratulor, Te Memorabilia illius absolvisse,
quorum est maxima apud nostros & peregrinos
omnes expectatio: Nam ex argumenti sui præstantia multi-
plicem utilitatem legentibus allatura sunt. Caterùm promisso
teneor, cujus summam uti nunc compleam, & verba resarci-
am, opus est: Benignè enim pollicitus eram, me ex Anglica-
no Scriptore illo, Thoma Brovvne, Doct. Medico, urnas sepul-
chrales, in agro Nortfolciensi repertas, Tecum Latino sermone
communicaturum. Scripsit is A. 1658. Hydriotaphiam, idio-
mate Britannico, Urne-buriall dictam; cui occasio data est,
cùm aliquot retrò mensibus, in agro veteris Walsinghami,
quadraginta, vel quinquaginta circiter urnæ, in sicco quo-
dam & arenoso solo depositæ, ne cubitum quidem in profun-
ditate superantes, nec longius à se invicem remotæ, effode-
rentur; quedam ex illis ossium duo pondo continebant, in
quibus crania, costæ, mandibulæ, femora, & dentes distin-
ctè conspiciebantur; & notæ quasi recentis adhuc combustio-
nis eminebant atque apparebant. Videbantur hîc etiam

F 3

parva


„ parvæ pyxides, commodè & eleganter factæ; nec non pecti-
 „ nes, manubria instrumentorum, ex tenui ære, itemq; ærei for-
 „ pices, quibus capilli, aut pili inciduntur, additi erant:
 „ Et in una, quam amicisimus D. Thomas Whiterley, Wal-
 „ singhamensis, dono illi miserat, gemma species, quam Opa-
 „ lum vocant, inventa est.

Nec procul ab illo fundo, per cubitos sex, rogi reliquæ,
 „ carbones & cineres effodiebantur: Ibi, quantum conjectura
 „ assequi licet, Ustrina, id est, locus, in quo cadavera com-
 „ burebantur; sive etiam sacrificiorum, pro Manibus, area
 „ quædam fuit: Facies enim illa inferior loci Aras, sive Al-
 „ taria Deorum atque Heroum representabat.

Has igitur urnas Romanorum fuisse, ex eodem loco, in
 quo repertæ sunt, haud obscure conicimus: In vicinia enim
 Romanū præsidium erat, milliaribus quinq; tantum distans ab
 oppido Brancaster; cujus antiquum nomen Brannodunum in
 vetustissimis monumentis vocatur, quasi dicas, ab urendo (id
 enim Bran, & Branno indicant) Ustionis-castrum. Itemq;
 urbs adjacens, quæ sex parochias hodiè in se complectitur, Sa-
 xonica voce, & parum ab illa differente, hodiernum Burnham
 appellatur. Quæ cum primo olim tempore Romanorum statio
 esset, probatione haud eget, vicina quoque loca vel Romanis,
 vel Romano-Britannis referta fuisse incolis, Romanarum con-
 suetudinum tunc observantissimis.

Nec probabilitati contrarium est, Romanos maturrimè
 regionem hanc possedisse: Licet enim ex historia Britannica de
 partibus illis tam stricte haud quicquam certi affirmare liceat;
 ante novam Constantini institutionem, & functionem milita-
 rem tractus Saxonici, idq; circa invasiones Saxonum; cum
 nempe Dalmaticus eques præsidium Brancastri obtineret: Ni-
 hilo minus tamen temporibus Claudii, Vespasiani, & Severi,
 non pauciores quàm tres legiones, per Britannia provinciam
 hinc inde dispersas observamus. Adhæc, regnante Claudio, in-
 casore maximo, Iceni, Britannia populi, Romanum ducem
 Ostorium passi sunt. Nec longè post regio illa tantis molestiis
 vexata





vexata fuit, ut in spem melioris status, ipse Praestaagus regnum suum Neroni, & filias suas traderet: Ac Boadicea tandem, uxor ejusdem novissimum cum Paulino praelium susciperet. Post hac verò tempora Vespasiani ductor, Agricola, omnem regionem possedit, & in praesidia ac habitationes pro lubitu divisit: Quas ex antiquis operibus ac monumentis, aggeribus ac vallis, monetis ac urnis certò colligimus. Urnae quaedam inventae sunt ad oppidum Castor, nonnullae circa Southcreake; & paucis abhinc annis decem aliae, in agro Buxtonensi, Rob. Jegon, Equitis fundo; quarum reliquias, inibi repertas, Dn. Will. Paston, Baro, diligenter custodivit. Haud rarò etiam in Anglia nummi Romanorum aerei & argentei reperti dantur, velut Vespasiani, Trajani, Adriani, Commodi, Antonini, Severi, aliorum; sed maxima ex parte Diocletiani, Constantini, Constantis, Valentis, saepè etiam Victorini, Posthumii, Tetrici, & XXX. Tyrannorum, cum imperio Gallienus praesesset. Quid, quod & Adriani numismata prope Sitomagum, vulgò Thetford, inventa sunt; cujus in Itinerario suo Antoninus meminit, viam innuens ab oppido Venta, sive Castor, versus Londinum. Frequentissima tamen illorum detectio ad duocastra, Norvvich & Yarmouth accidit; quae cimelia Thom. Wrod, Vir industrius, & omnis antiquitatis peritissimus servabat, ac desiderantibus quoque ostentabat: Nec non prope Burghcastle & Brancaster, ubi Generosissimus Dn. Ralph Hare, Baro, his gazis olim delectabatur. Tantam verò monetarum copiam Romanos in hisce provinciis sepeliisse, credimus; ob invasiones barbarorū, qui illos, haud rarò sedes suas relinquere cgebant: Præterea lex quoque obstabat, prohibens, ne nummi isti in alium usum commutarentur. Verum ex hoc ipso diverticulo nunc revertamur ad urnas, in quibus saepiculè nummi adhuc inveniuntur: Nam in agris, prope Londinum, vulgò Spittle Fields dictis (quod Stovvesius, in Delineatione Londini, dudum observavit ac monuit) urnae eruuntur, continentes numismata Claudii, Vespasiani, Commodi, Antonini; unà cum Lacrymatoriis, Lampadibus, Vasculis liquorum,

rum, alijsq; ad superstitionem hanc attinentibus. Longo ab-
hinc tempore ad Ashburie, in provincia Cheshirensi, urna
(sed cujus nationis, vel hominis, Britannos latet) prolata est,
ingentia ossa & chypeum continens; cujus meminit Tvvinus
de rebus Albonicis. Quid amplas commemorem urnas, jux-
ta parvum Massinghamum, in Nortfolcia repertas; de quibus
Holingshead videri potest? Neq; opus est dicere de urnis illis,
ad Anglesea, ita collocatis, ut orificia earundem deorsum ten-
dant, & quasi in terram propendeant. Id verò admiratione
dignum videtur, quod & in aliis regnis, in quibus Romani
haud circumtulere arma sua, velut in Norvvegia & Dania,
urnae tales inventae fuerint; quas Ol. Wormius, in Monum. &
Antiq. Dan. singulari cura ac fide describit. Urnis abundare
collem, Adolphus Cyprius in Annal. Slesvvic. tradit. In Jut-
landia & Anglia Cimbrica urnas unà cum ossibus, nostra etiam
aetate erutas fuisse constat. Atq; hac faciunt, ut mihi veniant in
mentē, quae Vir in studiis doctrinarum egregius, & sine ostentatio-
nis odio peritus, M. David Nerreterus, novissimè mihi enarra-
vit; postquam — variis avido satiatus pectore Musis
doctior ad patrias lapsus pervenerat oras.

Tunc, inquam, venit Is mecum in colloctionem, ut & de urnis
loqueremur inter nos; quas ipse, unà cum aliis, è monticulo quo-
dam, in Lithuania Borussica, juxta parochialem pagum, Bli-
biske (qui tria millia abest ab urbe Insterburgo, undecim à
Regimonto) anno superiore, nec integras tamen eruebat: Ar-
gilla erat nigra, fragmenta mollia; sed quae sensim in aëre du-
ritiei pristinae se dabant. Integrarum forma hac fuit:



Affirmavit præterea, plures in vicinia tumulos esse, qui hujusmodi vasa continere videntur. De operculis urnarum perhibet D. Thom. Brovne, eas pyrite aut silice contactas fuisse, quæ Buxtoni inveniebantur; alias, tegulis sive lateribus; illas, in castro Yarmouth, testis Romanis. Velut ex abundanti de Omphalo, aliisq; geminis adjicimus, has in defunctorum annulis intactas permansisse, vel etiam ab amicis, ceu singulare amoris pretium, rogo superinjectas fuisse. Locus sepulturae non erat in templis; sed, more antiquissimo, in campis & agris fuit: Sicut Cananæi solebant, & familia Abrahami; sepulchretum Josuæ in terminis ac limitibus possessionum quem latet? Hos imitati sunt ceteri, ut mortalitatis memoria semper præ oculis foret. Atq; hinc nomen cæmiteriorum, Christianis hodieq; usitatum, ein Godsacker, quasi dicas, Dei ager. Postremò combustionis lege cautum fuit, ne vermes reliquias mortalitatis consumerent; nec serpentes hanc hereditatem adirent: Solent enim cadavera interdum durare diutius, inprimis autem eorum, qui hydrope extincti sunt; quale idem Anglus commemorat, quod in cæmiterio post annos decem integrum adhuc exstabat, pingui concretione quadam servatum; cujus conservationem plurimum quoq; adjuvit nitrum terræ, salitem, & lixiviosus liquor ipsius corporis; qui largiores pinguedinis massas coagulaverat. Neq; etiam in una eademq; terra pariter atq; insimul defunctorum corpora computrescunt; corpus enim Thom. Marchionis à Dorset (fidem Burtoni testor, in Descriptione Leicestriæ) sepultum A. 1530 atq; post annos octo & septuaginta, hoc est, A. 1608. è cereo panno protractum, adhuc perfectum & incorruptum fuit; nec dura caro, sed ratione coloris, proportionis, ac mollitiei simillima corpori, quod nuper humatum novimus. Verùm hæc ὡς ἐν παραδείῳ. De capacitate urnarum (quarum plurimas sibi visas testabatur Salmasius, in familiari colloquio, cum Schildio, ad Suetonii Aug. cap. 100.) sciendum, eas geminatae cavæ manus magnitudinem rarò excessisse: Veteres enim cum legere reliquias, non fuere tam anxij, ut omnes absumti cadaveris cineres conquirerent; & in urnam conde-

G

rent:

rent : Quod falsò sibi multi persuadent , qui & linteum quoddam ^{ἀπὸ τοῦ} ex ingenio suo comminiscuntur ; servandis , ut volunt , à mixtura cineribus adhibitum. Hinc Agrippina Germanici ferales reliquias sinu tulisse dicitur , apud Tacit. Ann. 2. Item , feralem urnam tenens egressa navi , Ann. 3. Et Poëta dicitur urna , quod digitis quinque levatur onus. Fuere quidem (pergit inibi Schildius) etiam urnæ majores , sed ea Ossuaria appellabantur ; in quæ urnæ plures , atq; adeò totius familiae reliquiae locabantur. At seorsim una quæque urnarum , tantula cum esset magnitudinis , quomodo totius corporis , & saepe quidem ingentis capere cineres potuit ? Dicendum est igitur , reliquias legere , nihil aliud priscis illis fuisse , quàm residuas ossium particulas colligere. Quippe & nunquam in corpus ita flammæ sæviunt , ut totum planè consumant : Et in urnis sæpissimè ossicula inventa sibi , Salmasius affirmabat. Subinde quidem , pro affectu in defunctos , aliquantulum cineris adpersere ; sed illud & oppidò exiguum fuit , & cum papyri ac aromatum cineribus confusum. Quæ Raderus ad Martial. Lib. I. Epigr. 115. de cippis , testis , cineribus , aliisq; plena manu congescit ; quæ Boxhornius in Quæstionibus suis Rom. quæ Gutherius de Jure manium , & Smetius in Additamentis ad Pinacothecam , ex epistola ad Heinsium , habent ; repetere hîc nec oportet , nec opus est : Immo Epistola ipsa cogit , ut desinam.

Quid verò dicam tandem , Optime Leibnitzi ? Molire subinde aliquid , dum , ut ille loquitur , & venia est , & spes , & favor , & audere non dedecet ; & si quid desit operi , ætas suppleat. Satis Tibi est , si tenuitati ingenii ignoscant , qui ut pro magnitudine suæ eruditionis non nisi magna , & quæ supra seculum , condere possunt ac æstimare ; ita pro candore suo veniam audenti non possunt denegare. Perge ita , & illud Romani Sapientis semper cogita : Iniquè irasceris meo errori , stultè ignoscis tuo ; ut absolvaris , ignosce. Denique in mentem nunc est gratulatio illa Symmachi , ad Protadium : Eloquentissimus juvenis , ut fando comperi , proximis

mis facundiæ calcibus urget parentem ! O, te beatum, amice, si vinceris ! *Author tacitè ostendit (Jureto interprete) ex officio naturæ & charitatis esse, ut magis parentes suis liberis, quàm sibi consultum esse velint ; neque molestè ferant, se liberis inferiores videri, omni virtutum & literarum honore.*

Quid multa ? Certamen cum Venerando Dn. Parente ingredere ; gaudebit, si viceris. Totum Te Tibi soli debere potes, & pretium Tui Tibi includis : Virtus se extra se non querit : Magnitudine ingenii datum Tibi est, quidvis assequi. Scribebam hæc raptissimè, & agra adhuc manu ; nam saxeus iste mihi morbus incubuit, & tantùm non ad plures jusfit commigrare. Interim vale ab

Norimb. d. XVI. Sept.
A. S. c13 l3c LXXIV.

ARNOLDO TUO.



En nunc B. L. Autorum indicem:

T A B U L A M

non ambitionis,

sed

Fidei & Gratitudeinis.

A.

Adamus Melch.
Adrichomius.

Agricola.

Albinus.

Aldrovandus.

Allatius.

Amama.

Ammonius.

Andreae.

Antoninus.

Aringhius.

Aventinus.

B.

BAlbus.

Baldus.

Barbarus.

Bartasius.

Bartholinus.

Basilus de Varna.

Becanus.

Bellonius.

Bezonus.

Blondus.

Bochartus.

Bonifacius.

Borellus.

Borrichius.

Bosius.

Boxhornius.

Brovvne.

Burferus.

Burtonus.

Buxtorffius.

C.

CAlceolarius.

Campanella.

Cardanus.

Casa-

Casalius.

Chartarius.

Cheitomæus.

Chiffletius.

Christianus.

Ciaconius.

Cicero.

Coiterus.

Commentator Relig. Med.

Cotovicus.

Cyprius.

D.

DEmocritus.

Dempsterus.

Deusingius.

Duza P.

E.

ENnius.

Eobanus Hessus.

Erasmus.

Eusebius.

F.

FAbricius.

Ferrarius.

Florus.

Forrez.

Friedlieb.

G.

GAffendus.

Gejer.

Gerhardus.

Guinifius.

Gutherius.

H.

HEinfius.

Herodotus.

Heurnius.

Hieronymus.

Hofmannus Casp.

Hornius.

Hugo.

I.

JOhannes Solm.

Jonas Arngr.

Jonstonus.

Jovius.

Isidorus.

K.

KEntmannus.

Kippingius.

Kircherus.

L.

L Ampridius.
Laurus.
Lemnius.
Libavius.
Licetus.
Ligorius.
Lightfoot.
Linschotanus.
Lipsius.
Livius.
Lyra.

M.

M Affæus.
Mallinkrot.
Marbod. Gallus.
Marcellus Ponz. Com.
Merclinus.
Mercurialis.
Meursius.
Montanus.
Monumenta Illustrum.
Morhardus.
Mullerus Greiff.
Mylus.

O.

O Vidius.

P.

P Atinus.
du Perac.
Phocas.
Plautus.
Plinius.
Plutarchus.
Propertius.
Prudentius.

R.

R Aderus.
Ramus.
Rauchvvolff.
Rhodiginus.
Rupertus.
Ruseellus.
Rycquius.

S.

S Agittarius.
Saligniacus.
Salmasius.
Samuel. R.
Saubertus.
Scacchus.
Scardeonius.
Schildius.
Schottus.

Seide-

Seidelius.
Sennertus.
Septalius.
Servius.
Smetius.
Smithius.
Stobæus.
Stobefius.
Stuckius.

T.

THeophrastus.
Tibullus.
Torfellus.
Trigautius.
Tulpius.
Tvvinus.
Turnebus.
Tzetzes.

V.

Valerius M.
Virgilius.
Virgilius Polyd.
Vives.
Voëtius.
Vossius.
Urfatus.
Ursinus.

W.

Werli à Cimbr.
Willebr. ab Oldenburg.
Wormius.

Z.

Ziglerus.
Zimmermannus.
Zvvinnerus.





INDEX RERUM.

A.

A Bacorum usus.	29	Arbores lapidescentes.	17
Abacos num tātum marmo- reos Vett. habuerint. <i>ibid.</i>		Archimedis mors.	23
Abacus Chronologicus.	12	Archimedis mirum numerorum & formarum studium.	44
ejus auctor.	<i>ibid.</i>	Arietis caput, in lapidem conver- sum.	38
Acerra.	13	<i>Ασβεστος.</i>	33
Acerra & thuribulum differunt.	31	ejus oleum quid præstet. <i>ibid.</i>	
Ægyptiorum vasa lacrymalia.	32	lin-teum servandis à mixtura ci- nerum non adhibebatur.	50
Ager sanguinis.	15	Astrolabium.	23
ejus natura.	35	Auri & argenti lapidescentis ex- emplum.	17
cur figuli, dicatur.	<i>ibid.</i>	Auro inspersi, Indi convivia sub- eunt.	45
Albini Chronicon correctum.	31		
Ambulacra IV. Bibliothecæ.	11. 13 19. 20		
Anatomica.	18. 19		
Angliam maturè Romani possede- runt.	46		
Animalium religio plerumque symbolica.	43		
Animæ è Vett. sententia, cum cor- pore aut cineribus in sepul- chris manebant.	14. 34		
<i>Αντιπαραβολα</i> inter Limaces & Simi- am.	41		
Apostolorum è fonte, lapilli.	15		
Aquila Regiomontani.	29		
Aræ MENSÌ & ANNO extru- ctæ.	9		

B.

B Asilius de Varna quis?	29
Bibliothecæ inscriptio.	11
Bibliothecæ historia Rev. Sauberti quid contineat.	5. & 10
Bovina cornua, cur Dianæ suspen- sa.	39
Brancester, quid sit.	46
Brutorum corpora lapidescentia.	38

C. Cæmi-

C.			Cometa depictus.	12
C	Æmiteriorum nomen, ein		Cometæ nec malum nec bonum	
	Godsacker, unde?	49	necessariò portendunt.	29
Calculorum molestia.		37	Cornua mira Vaccæ.	18
Calculi corporibus exempti.		16	Cornua cervina cur Dianæ sacra.	39
Sauberti.	ibid.		Cornua bovina cur Dianæ suspen-	ibid.
Ducis Mercurii.	ibid.		sa.	ibid.
Georgii Majeri.	ibid.		Cornutus.	18
Canis	ibid.		è lue Gallica.	39
Calculi brutorum.		37	Corpus Marchionis à Dorset post	
Camillus in orbem se vertens, la-		26	78. annos integrum è cereo	
bitur.		26	panno protractum.	49
Campus Sanctus Romæ.		36	Craniorum religio apud Scythas.	40
eius natura.	ibid.		Cute denudatus.	19
Carcer <i>Christi</i> ubi?		35	eius autor.	41
paucis visus.	ibid.		E.	
ex eo lapilli.	ibid.		E Bræorum בר נשמה.	33
Chalcicæcon.		20	E Embryo.	18
Chinenfis charta.		22	Ex OFIUSTI quid notet?	34
linguæ difficultas.	22.43		F.	
Eruditio unde æstimetur.	ibid.		F Elis ore foetum fundit.	37
Christianorum & Gentilium lu-			Fontes Mar. & Apostolorum.	15
cernæ, quomodo dignoscen-			Forcipes ærei cum urnis conditi.	46
dæ.		33	G.	
Christianus Heiden Mathemati-			G Alli ovum.	15
cus insignis.		23	non fabulosum.	37
Ciconias hieme aquas subire è sa-		40	Gallus quadrupes.	18
cris non persuadent.		40	Gemma in urna condita.	46
Cistella reliquiis locorum Ss. ple-			Geograph. tabula orbis totius ele-	
na.		14	gantissima.	21
Claudiani locus, ad corporis reli-			H	
giosam circumactionem non			Ger-	
recte adducitur.		26		
Coiteri effigies.		41		
Columnis in Circo, corpuscula				
ovali forma imposita, quid				
voluerint.		42		
Cometa quid?		28		

Germanorum crania debilia.	18	utriusque descriptio.	ibid.
Golgathæ lapilli.	15	Lapidescencia.	

H.

H istoria V. T. in abaco ligneo.	12	Aurum.	17
Hortus Eystettensis.	20	Argentum.	ibid.
Horti Acad. Altorff. inscriptiones.	27	Corpora humana.	37
Hydrope extinctorum cadavera		Arietis caput.	38
exteris diutius durant.	49	Pyrus.	16
		Laurea milites vincti.	28
		Liminum religio.	26
		Literarum numerus apud Chi-	
		nenfes.	43
		Literæ Lucernis inscriptæ.	14
		quid notent.	34

I.

I dolum Mexicanum.	22	Lithuania Borussica plurimos tu-	
cui simile.	43	mulos habet urnarum ple-	
Indorum mos, regia cōvivia sub-		nos.	49
euntium.	43	Lucernarum usus primus.	33
Inscriptiones		accensio religiosa.	ibid.
Bibliothecæ.	11	Lucernas Romani ab Ægyptiis ac-	
Horti Altdorff.	27	cepere.	33
Vitri Lutheri.	22	Lucernas cur urnis apposuerint.	
Scyphi Mathematici.	24		14
Romana.	31	LUCIM quid.	34
Inventum Brandenburgicum.	44	Lutheri vitrū & ejus Inscriptio.	22
JOANNIS SAXONIE DUCIS		Lyncis visus.	40
pugillares.	43	Lyncurium ex urina Lyncis con-	
Jordanis lutum.	15	crescere fabulosum.	40
		Lyncurius non à Lynce, sed Ligu-	
		ria dicitur.	40

L.

L acrymatoria vasa.	13		
eorum apud Histor. Vett.			
nulla mentio.	14		
eorum usus è lapidibus ostendi-			
tur.	31		
prope Londinum eruta.	47		
erant vel testacea vel vitrea.	31		
aliud Ægyptiacum, aliud Ro-			
manum.	32		

M.


M ariæ fons ubi.	35
Mariani templi Nor. descri-	
ptio.	42
Mathematicus Scyphus.	23. & 24
Melitenis terra veneno adversa.	
	38
Mensa Chronol.	12
ejus auctor.	ibid.


Mercu-

Mercurius, Dux Gallus Febre ma-	Opalus in urna.	46
ligna obit Norib.	Ornatus Triumphantium.	27
ejus è rene calculus mirus. ibid.	Offuaria.	50
Μεμεφύχωνι quorum corporum	Ovum Galli.	15.36
fuerit.	cur multis figmentum sit.	36
Mexicanum Idolum.	Ova curriculis numerandis expo-	
ejus facies.	sita, quid sint.	42
Mexicani ex omnibus animalibus	Ova singulo transcurso per colu-	
Simiam in pretio habent.	mnas aurigis data.	ibid.
Monstra.		
Mons Thabor & Sion.	P.	
Morbi Gallici venenum.	Pallados templum æreum, &	
Mors Regiomontani.	ejus autor.	41
Mumiæ cur fiant.	Palma effigies.	ibid.
Murra Vett. idem quod gemma.	Pes humanus lapidescens.	37
Murrhina vasa quid.	Plendisteria quid?	31
Murrhina vasa & Onychina diver-	Porcellana Vasa.	38
sa.	Præsepîi Salvatoris reliquiæ.	15
Museum Bibliothecæ curiosû.	Pugillares JOHANNIS DUCIS	
N.	SAXONIÆ.	43
NAtatoriæ Siloæ lutum.	Pyrus lapidescens.	16
Nominalium & Realium lites.	Q.	
Nummi Rom. in Anglia reperti	Quadrupes Gallus.	18
ænei & argentei.	R.	
Nummorum tantam copiam cur	R Egiomontani aquila.	29
Romani in Anglia reliqui-	nonnullis fabulosa.	30
rint.	Regiomontanus Typographiæ in-	
Nummi in urnis adhuc inveniun-	ventor perperam creditur.	30
tur.	ubi mortuus & sepultus.	13.29
O.	Reliquias legere, quid priscis.	50
O Lei incombustibilis confici-	Reliquiæ è terra S.	14
endi ratio.	Reliquiæ olim quotannis ostēse.	42
Olivæ Segmenta, ad quam ligatus	Romani quando in Angliam ve-	
fuit Salvator.	nerint.	46
Olla veneni impatiens.	S.	
Omphalus rogo injectus.	S Anguinis ager.	15
in defunctorû annulis illēsus. ib.	Sauberti Hist. Bibliothecæ quid	
Onychina & Murrhina vasa diver-	contineat.	5. & 10
sa.	Scele-	

[illegible]

*Hujus opella speculatur fortunam ἰωάννου τῷ Πεδισσάμῃ σύνθεσις
καὶ μερίσι. καὶ μερισμῷ γῆς; Ἔ' aliud: Πῶς δὲ ἰσοείαν συγγράφει;
qua in INCL. BIBL. scriniis MSSorum curiosius versanti in ma-
nus venere. Digna, quorum usus in commune derivetur, si quidem
occasio, fautor etiam commentatorq; contingat.*





1732414

